

შპს „ჯი ენ ელ“

ფინანსური და მმართველობის ანგარიშგება

დამოუკიდებელი აუდიტორის დასკვნასთან ერთად

საანგარიშგებო წლისთვის, რომელიც დასრულდა 2025
წლის 31 დეკემბერს

შინაარსი:

დამოუკიდებელი აუდიტორის დასკვნა	3
---------------------------------------	---

ფინანსური ანგარიშგება

სრული შემოსავლის ანგარიშგება.....	6
ფინანსური მდგომარეობის ანგარიშგება.....	7
საკუთარი კაპიტალის მოძრაობის ანგარიშგება	8
ფულადი ნაკადების მოძრაობის ანგარიშგება	9

ფინანსური ანგარიშგების განმარტებითი შენიშვნები

1. ზოგადი ინფორმაცია.....	10
2. მომზადების საფუძვლები	11
3. არსებითი სააღრიცხვო პოლიტიკა.....	14
4. ძირითადი სააღრიცხვო შეფასებები და გადაწყვეტილებები	22
5. ფინანსური ინსტრუმენტები - რისკების მართვა.....	24
6. თამაშებიდან მიღებული მთლიანი შემოსავალი	29
7. მოსაკრებელი და საკომისიო ხარჯები.....	29
8. სარეკლამო და მარკეტინგის ხარჯები.....	29
9. სხვა ხარჯები.....	30
10. ფინანსური ხარჯი, წმინდა	30
11. ძირითადი საშუალებები	31
12. აქტივების გამოყენების უფლება და საიჯარო ვალდებულებები	31
13. არამატერიალური აქტივები.....	32
14. მარაგები.....	32
15. სავაჭრო და სხვა მოთხოვნები.....	33
16. ფული და ფულის ეკვივალენტები.....	34
17. მიღებული სესხები	35
18. სავაჭრო და სხვა ვალდებულებები	36
19. მომენტალური გათამაშების საპრიზო ფონდის ანარიცხები	37
20. ოპერაციები დაკავშირებულ მხარეებთან	37
21. პირობითი ვალდებულებები	38
22. საანგარიშგებო პერიოდის შემდგომი მოვლენები.....	41
მმართველობის ანგარიშგება.....	44

დამოუკიდებელი აუდიტორის დასკვნა

შპს „ჯი ენ ელის“ დამფუძნებლებსა და ხელმძღვანელობას

უარი მოსაზრების გამოთქმაზე

ჩვენ დაგვიქირავეს შპს „ჯი ენ ელის“ (შემდგომში „კომპანია“) ფინანსური ანგარიშგების აუდიტის ჩასატარებლად, რომელიც შედგება 2025 წლის 31 დეკემბრის მდგომარეობით მომზადებული ფინანსური მდგომარეობის ანგარიშგებისგან, აღნიშნული თარიღით დამთავრებული წლის სრული შემოსავლის ანგარიშგების, საკუთარი კაპიტალის ცვლილებების ანგარიშგებისა და ფულადი ნაკადების ანგარიშგებისგან, ასევე ფინანსურ ანგარიშგებაზე დართული შენიშვნებისგან, მათ შორის, ყველა არსებითი სააღრიცხვო პოლიტიკის მოკლე მიმოხილვისგან.

ჩვენ არ გამოვთქვამთ მოსაზრებას კომპანიის თანდართული ფინანსური ანგარიშგების შესახებ. ჩვენი დასკვნის - „მოსაზრების გამოთქმაზე უარის საფუძველი“ - ნაწილში აღწერილი საკითხების მნიშვნელობის გამო, ვერ შევძელით საკმარისი და შესაფერისი აუდიტის მტკიცებულებების მოპოვება, თანდართული ფინანსური ანგარიშგების შესახებ აუდიტორული მოსაზრების გამოსათქმელად აუცილებელი საფუძვლის შესაქმნელად.

მოსაზრების გამოთქმაზე უარის საფუძველი

როგორც მოცემულია ფინანსური ანგარიშგების მე-2 შენიშვნაში, 2025 წლის 31 დეკემბრის მდგომარეობით კომპანიას აქვს ფინანსური სირთულეები, კერძოდ: 2025 წლის მთლიანი სრული ზარალი შეადგენს 4,296 ათას ლარს (2024: 3,160 ათასი ლარი); მოკლევადიანი ვალდებულებები 2025 წლის 31 დეკემბრის მდგომარეობით 17,569 ათასი ლარით აჭარბებს მოკლევადიან აქტივებს (31.12.2024 - 16,611 ათასი ლარი) და 2025 წლის 31 დეკემბრის მდგომარეობით დაგროვილი აქვს 32,772 ათასი ლარის ოდენობით ზარალი (31.12.2024: 29,594 ათასი ლარი). კომპანიას ფინანსური ინსტიტუტისგან მიღებული აქვს სესხები 31.12.2025 მდგომარეობით 9,008 ათასი ლარის ოდენობით, რომლის ხელშეკრულებით განსაზღვრულ ფინანსურ და არაფინანსურ მოთხოვნებსაც კომპანია ვერ აკმაყოფილებს. ასევე, კომპანიას დარღვეული აქვს ფინანსთა სამინისტროსთან გაფორმებული „ლატარიის ორგანიზების და ჩატარების ექსკლუზიური უფლების მინიჭების ხელშეკრულების“ ფინანსური და არაფინანსური მოთხოვნები, კონკრეტულად: 2025 წლის 31 დეკემბრის მდგომარეობით კომპანია ვერ აკმაყოფილებს საკომისიო გადასახადთან დაკავშირებულ ვალდებულებას, რომლის აკუმულირებული ნაშთი შეადგენს 5,113 ათას ლარს. 31.12.2025 მდგომარეობით აღნიშნული ვალდებულებიდან გადასახდელი თანხის ძირი შეადგენს 3,344 ათას ლარს, ხოლო მასზე დარიცხული ჯარიმის ვალდებულება 1,769 ათას ლარს. მოთხოვნების შეუსრულებლობის შემთხვევაში, ფინანსთა სამინისტროს უფლება აქვს შეწყვიტოს ეს ხელშეკრულება კომპანიისთვის შეწყვეტის შეტყობინების გაგზავნით. ზემოაღნიშნული მოვლენები მიუთითებს, რომ არსებობს არსებითი განუსაზღვრელობა, რაც მნიშვნელოვან ეჭვს ბადებს კომპანიის უნართან დაკავშირებით, საქმიანობა განაგრძოს, როგორც ფუნქციონირებადმა საწარმომ. როგორც ფინანსური ანგარიშგების მე-2 შენიშვნაშია განმარტებული, კომპანიის ხელმძღვანელობა მიუხედავად ზემოთ მოცემული სირთულეებისა მიზანშეწონილად მიიჩნევს „ფუნქციონირებადი საწარმოს“ დაშვებას და ამ დაშვების საფუძველზე წინამდებარე ფინანსური ანგარიშგების მომზადებასა და წარმოდგენას. ხელმძღვანელობამ ვერ შეძლო საკმარისი და შესაფერისი აუდიტორული მტკიცებულებების წარმოდგენა ფუნქციონირებადი საწარმოს პრინციპის გამოყენების გასამყარებლად. ყოველივე ამის შედეგად, ჩვენ ვერ შევძელით იმის განსაზღვრა, მიზანშეწონილი იყო თუ არა ხელმძღვანელობის მიერ „ფუნქციონირებადი საწარმოს“ დაშვება.

2025 და 2024 წლების 31 დეკემბრის მდგომარეობით იდენტიფიცირდება კომპანიის გრძელვადიანი აქტივების - ძირითადი საშუალებების, აქტივების გამოყენების უფლებისა და არამატერიალური აქტივების გაუფასურების ნიშნები. მოცემული თარიღებისთვის კომპანიას არ აქვს ჩატარებული ზემოაღნიშნული აქტივების გაუფასურების ტესტირება, როგორც ეს მოითხოვება ბასს 36 „აქტივების გაუფასურების“ მიხედვით. ფინანსური მდგომარეობის ანგარიშგებაში 2025 წლის 31 დეკემბრის მდგომარეობით ზემოთ აღნიშნული გრძელვადიანი აქტივები ჯამურად წარმოდგენილია 3,588 ათასი ლარის ღირებულებით (2024 წლის 31 დეკემბრის მდგომარეობით: 5,067 ათასი ლარი). შედეგად, ჩვენ ვერ განვსაზღვრეთ, საჭირო იყო თუ არა რაიმე კორექტირების შეტანა ძირითად საშუალებებთან,

აქტივების გამოყენების უფლებასთან, არამატერიალურ აქტივებთან და ფინანსური ანგარიშგების შემადგენელ სხვა ელემენტებთან დაკავშირებით.

2025 და 2024 წლების 31 დეკემბრის მდგომარეობით კომპანია წარმოადგენს შპს „სითისაითის“ თავდებს (სოლიდარული პასუხისმგებლობა) სს „თიბისი ბანკის“ მიმართ ნაკისრ სასესხო ვალდებულებებზე. თავდებობის მაქსიმალური თანხა შეადგენს 2,800 ათას აშშ დოლარს შპს „სითისაითის“ გარანტიის თავდებობისთვის. თავდებობის პასუხისმგებლობა გულისხმობს, რომ იმ შემთხვევაში, თუ შპს „სითისაითი“ ვერ უზრუნველყოფს ხელშეკრულებებით გათვალისწინებული პირობების დაკმაყოფილებას, კომპანია შესაძლოა გახდეს ვალდებული გადაიხადოს თავდებობის თანხა. ხელმძღვანელობა მიიჩნევს, რომ აღნიშნულ თავდებობასთან დაკავშირებით კომპანიას არ წარმოექმნება მატერიალური დანაკარგი, რასთან დაკავშირებითაც ხელმძღვანელობისგან ვერ მივიღეთ საკმარისი და შესაფერისი აუდიტორული მტკიცებულებები. შედეგად ჩვენ ვერ განვსაზღვრეთ, საჭირო იყო თუ არა რაიმე კორექტირების შეტანა ანარიცხებთან და ფინანსური ანგარიშგების შემადგენელ სხვა ელემენტებთან დაკავშირებით.

2024 წლის 31 დეკემბრის მდგომარეობით კომპანიას არ აქვს შეფასებული შპს მინიმარტის მიმართ არსებული 6,850 ათასი ლარის ოდენობის სავაჭრო მოთხოვნის მოსალოდნელი საკრედიტო ზარალი. ჩვენ ვერ შევძელით საკმარისი და შესაფერისი აუდიტორული მტკიცებულებების მოპოვება, გაუფასურებულია თუ არა აღნიშნული სავაჭრო მოთხოვნები. შედეგად, ვერ დავადგინეთ საჭირო იყო თუ არა რაიმე კორექტირების შეტანა ფინანსურ ანგარიშგებაში სავაჭრო და სხვა მოთხოვნებთან და ფინანსური ანგარიშგების შემადგენელ სხვა ელემენტებთან დაკავშირებით. ჩვენი აუდიტორული მოსაზრება 2024 წლის 31 დეკემბრის დასრულებული პერიოდის ფინანსურ ანგარიშგებაზე მოდიფიცირებულია. მოდიფიცირებულია აგრეთვე ჩვენი მოსაზრება მიმდინარე პერიოდის ფინანსურ ანგარიშგებაზეც, ამ საკითხის გავლენის ან შესაძლო გავლენის გამო მიმდინარე პერიოდის ციფრებისა და შესაბამისი ციფრების შესადარისობაზე.

სხვა ინფორმაცია

სხვა ინფორმაციაზე პასუხისმგებელია კომპანიის ხელმძღვანელობა. სხვა ინფორმაცია მოიცავს კომპანიის მმართველობის ანგარიშგებას. მოსაზრების გამოთქმაზე უარის საფუძვლის ნაწილში აღწერილი საკითხების მნიშვნელობიდან გამომდინარე, ჩვენ არ გვაქვს შესაძლებლობა აზრი გამოვთქვათ მმართველობის ანგარიშგებაში არსებობს თუ არა არსებითი უზუსტობა. მმართველობის ანგარიშგებასთან მიმართებით, ჩვენი სამუშაო შემოიფარგლებოდა იმით, რომ განგვესაზღვრა შეიცავს თუ არა მმართველობის ანგარიშგება „ბუღალტრული აღრიცხვის, ანგარიშგების და აუდიტის შესახებ“ საქართველოს კანონის მე-7 მუხლის მე-6 პუნქტის მოთხოვნებს. ჩვენი აზრით, მხოლოდ ამ პროცედურებზე დაყრდნობით:

- 2025 წლის მმართველობის ანგარიშგება ყველა არსებითი ასპექტის გათვალისწინებით თანხვედრაშია ამავე წლის ფინანსურ ანგარიშგებასთან და
- მოიცავს „ბუღალტრული აღრიცხვის, ანგარიშგებისა და აუდიტის შესახებ“ საქართველოს კანონის მე-7 მუხლის მე-10 პუნქტით მოთხოვნილ ინფორმაციას.

აუდიტორის დასკვნაში, უარყოფითი მოსაზრების საფუძვლის ნაწილში აღწერილი საკითხების მნიშვნელობიდან გამომდინარე, ჩვენ არ შეგვიძლია გამოვთქვათ მოსაზრება იმასთან დაკავშირებით, შეიცავს თუ არა მმართველობის ანგარიშგება რაიმე არსებით უზუსტობას.

ხელმძღვანელობისა და მეთვალყურეობაზე პასუხისმგებელ პირთა პასუხისმგებლობა ფინანსურ ანგარიშგებაზე

ხელმძღვანელობა პასუხისმგებელია თანდართული ფინანსური ანგარიშგების მომზადებასა და სამართლიან წარდგენაზე ფინანსური ანგარიშგების საერთაშორისო სტანდარტების შესაბამისად, ასევე შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

ფინანსური ანგარიშგების მომზადებისას ხელმძღვანელობას ევალება, შეაფასოს კომპანიის ფუნქციონირებადობის უნარი და, აუცილებლობის შემთხვევაში, ფინანსური ანგარიშგების შენიშვნებში განმარტოს საკითხები, რომლებიც დაკავშირებულია საწარმოს ფუნქციონირებადობასთან და ანგარიშგების საფუძვლად საწარმოს ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს კომპანიის ლიკვიდაცია ან საქმიანობის შეწყვეტა, ან თუ არა აქვს სხვა რეალური არჩევანი, ასე რომ არ მოიქცეს.

მეთვალყურეობაზე პასუხისმგებელი პირები პასუხისმგებლები არიან კომპანიის ფინანსური ანგარიშგების მომზადებისა და წარდგენის პროცესის ზედამხედველობაზე.

აუდიტორის პასუხისმგებლობა ფინანსური ანგარიშგების აუდიტზე

ჩვენი პასუხისმგებლობა იმაში მდგომარეობს, რომ კომპანიის ფინანსური ანგარიშგების აუდიტი ჩავატაროთ აუდიტის საერთაშორისო სტანდარტების შესაბამისად და გავცეთ აუდიტორის დასკვნა. თუმცა, ჩვენი დასკვნის - “მოსაზრების გამოთქმაზე უარის საფუძველი” - ნაწილში აღწერილი საკითხების გამო, ვერ შევძელით საკმარისი და შესაფერისი აუდიტის მტკიცებულებების მოპოვება, თანდართულ ფინანსურ ანგარიშგებაზე აუდიტორული მოსაზრების გამოსათქმელად აუცილებელი საფუძვლის შესაქმნელად.

ჩვენ დამოუკიდებელი ვართ კომპანიისგან „ბუღალტერთა ეთიკის სტანდარტების საერთაშორისო საბჭოს“ მიერ გამოცემული „პროფესიონალ ბუღალტერთა ეთიკის კოდექსის“ ეთიკური მოთხოვნების შესაბამისად, რომლებიც ეხება ჩვენ მიერ ჩატარებულ ფინანსური ანგარიშგების აუდიტს; გარდა ამისა, შევასრულეთ ამ მოთხოვნებით გათვალისწინებული სხვა ეთიკური ვალდებულებებიც.

დამოუკიდებელი აუდიტორის ამ დასკვნაში მოცემული აუდიტის შედეგებზე პასუხისმგებელია გარიგების პარტნიორი:

დავით დარსაველიძე (რეესტრში რეგისტრაციის # SARAS-A-735032)

შპს „ბიდიო აუდიტის“ სახელით

თბილისი, საქართველო

31 მარტი 2026 წელი

შპს „ჯი ენ ელ“

სრული შემოსავლის ანგარიშგება

საანგარიშგებო წლისთვის, რომელიც დასრულდა 2025 წლის 31 დეკემბერს
(ათას ლარში)

	შენიშვნა	2025	2024
თამაშებიდან მიღებული მთლიანი შემოსავალი	6	16,120	17,258
მოსაკრებელი და საკომისიო ხარჯები	7	(3,964)	(4,911)
სარეკლამო და მარკეტინგის ხარჯები	8	(1,257)	(1,065)
ცვეთა და ამორტიზაცია		(2,083)	(2,055)
თანამშრომელთა ხელფასი და სხვა სარგებელი		(5,025)	(3,900)
ფინანსური აქტივების გაუფასურების რეზერვის ცვლილება		(610)	-
სხვა ხარჯები	9	(5,515)	(5,139)
საოპერაციო (ზარალი)/მოგება		(2,334)	188
ფინანსური ხარჯი, წმინდა	10	(1,962)	(3,348)
მთლიანი სრული ზარალი		(4,296)	(3,160)

ფინანსური ანგარიშგება ხელმძღვანელობის სახელით, 2026 წლის 31 მარტს დამტკიცებულია გამოსაშვებად შემდეგი პირების მიერ:

დირექტორი

გ. გედევანიშვილი

ფინანსური დირექტორი

ე. ოგანესიანი

შპს „ჯი ენ ელ“

სრული შემოსავლის ანგარიშგება

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

	შენიშვნა	2025	2024
თამაშებიდან მიღებული მთლიანი შემოსავალი	6	16,120	17,258
მოსაკრებელი და საკომისიო ხარჯები	7	(3,964)	(4,911)
სარეკლამო და მარკეტინგის ხარჯები	8	(1,257)	(1,065)
ცვეთა და ამორტიზაცია		(2,083)	(2,055)
თანამშრომელთა ხელფასი და სხვა სარგებელი		(5,025)	(3,900)
ფინანსური აქტივების გაუფასურების რეზერვის ცვლილება		(610)	-
სხვა ხარჯები	9	(5,515)	(5,139)
საოპერაციო (ზარალი)/მოგება		(2,334)	188
ფინანსური ხარჯი, წმინდა	10	(1,962)	(3,348)
მთლიანი სრული ზარალი		(4,296)	(3,160)

ფინანსური ანგარიშგება ხელმძღვანელობის სახელით, 2026 წლის 31 მარტს დამტკიცებულია გამოსაშვებად შემდეგი პირების მიერ:

დირექტორი



გ. გედევანიშვილი

ფინანსური დირექტორი



ე. ოგანეშვილი

შპს „ჯი ენ ელ“

ფინანსური მდგომარეობის ანგარიშგება

2025 წლის 31 დეკემბრის მდგომარეობით

(ათას ლარში)

	შენიშვნა	31.12.2025	31.12.2024
აქტივები			
გრძელვადიანი აქტივები			
ძირითადი საშუალებები	11	333	427
აქტივების გამოყენების უფლება	12	1,206	1,315
არამატერიალური აქტივები	13	2,049	3,325
		3,588	5,067
მოკლევადიანი აქტივები			
მარაგები	14	1,558	1,241
სავაჭრო და სხვა მოთხოვნები	15	1,231	8,394
ფული და ფულის ეკვივალენტები	16	692	99
		3,481	9,734
სულ აქტივები		7,069	14,801
კაპიტალი და ვალდებულებები			
კაპიტალი			
დაგროვილი ზარალი		(32,772)	(29,594)
სულ კაპიტალი		(32,772)	(29,594)
ვალდებულებები			
გრძელვადიანი ვალდებულებები			
მიღებული სესხები	17	18,219	17,058
საიჯარო ვალდებულებები	12	572	992
		18,791	18,050
მოკლევადიანი ვალდებულებები			
სავაჭრო და სხვა ვალდებულებები	18	12,315	12,105
მიღებული სესხები	17	5,816	12,448
საიჯარო ვალდებულებები	12	799	560
გადავადებული შემოსავალი		46	39
მომენტალური გათამაშების საპრიზო ფონდის ანარიცხები	19	2,074	1,193
		21,050	26,345
სულ ვალდებულებები		39,841	44,395
სულ საკუთარი კაპიტალი და ვალდებულებები		7,069	14,801

10 – 41 გვერდებზე არსებული შენიშვნები წარმოადგენს მოცემული ფინანსური ანგარიშგების განუყოფელ ნაწილს.

შპს „ჯი ენ ელ“

კაპიტალის ცვლილების ანგარიშგება

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

	დაგროვილი ზარალი	სულ
31.12.2023	(26,434)	(26,434)
მთლიანი სრული ზარალი	(3,160)	(3,160)
31.12.2024	(29,594)	(29,594)
მთლიანი სრული ზარალი	(4,296)	(4,296)
დაკავშირებულ მხარეებთან ოპერაციების რეალური ღირებულებით ასახვის ეფექტი	1,118	1,118
31.12.2025	(32,772)	(32,772)

შპს „ჯი ენ ელ“

ფულადი ნაკადების მოძრაობის ანგარიშგება

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

	შენიშვნა	2025	2024
ფულადი ნაკადები საოპერაციო საქმიანობიდან			
წლის ზარალი		(4,296)	(3,160)
კორექტირებები:			
ცვეთა და ამორტიზაცია		2,083	2,055
ფინანსური ხარჯი, წმინდა	10	1,962	3,348
ზარალი საკუროსო სხვაობიდან, წმინდა		16	11
ცვლილება ფინანსური აქტივების გაუფასურების რეზერვში		610	-
ძირითადი საშუალებების ჩამოწერა	9	-	36
იჯარის გასვლიდან მიღებული მოგება		(12)	(27)
საპრიზო ფონდის და სოციალურ პროექტებთან დაკავშირებული ანარიცხები		1,538	1,627
ფულადი სახსრები საოპერაციო საქმიანობიდან საბრუნავ კაპიტალში ცვლილებამდე		1,901	3,890
სავაჭრო და სხვა ვალდებულებების (შემცირება)/ზრდა		(338)	1,094
სავაჭრო და სხვა მოთხოვნების შემცირება/(ზრდა)		5,429	(3,632)
მარაგების ზრდა		(318)	(329)
გადავადებული შემოსავლის ზრდა/(შემცირება)		7	(3)
ფულადი სახსრები საოპერაციო საქმიანობიდან, წმინდა		6,681	1,020
ფულადი სახსრები საინვესტიციო საქმიანობიდან			
ძირითადი საშუალებების შეძენა		(126)	(103)
საინვესტიციო საქმიანობისთვის გამოყენებული წმინდა ფულადი სახსრები		(126)	(103)
ფულადი სახსრები საფინანსო საქმიანობიდან			
მიღებული სესხების ზრდა	17	10,090	-
სესხების ძირის დაფარვა	17	(14,514)	-
სესხების პროცენტის დაფარვა	17	(683)	(162)
საიჯარო ვალდებულებების ძირის გადახდა	12	(717)	(667)
საიჯარო ვალდებულებების პროცენტის გადახდა	12	(129)	(159)
საფინანსო საქმიანობისთვის გამოყენებული წმინდა ფულადი სახსრები		(5,953)	(988)
ფულადი სახსრების წმინდა ზრდა/(შემცირება)		602	(71)
ფული და ფულის ეკვივალენტები წლის დასაწყისში	16	99	182
ფულისა და ფულის ეკვივალენტების გადაფასებიდან მიღებული ზარალი		(9)	(12)
ფული და ფულის ეკვივალენტები წლის ბოლოს	16	692	99

10 – 41 გვერდებზე არსებული შენიშვნები წარმოადგენს მოცემული ფინანსური ანგარიშგების განუყოფელ ნაწილს.

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

1. ზოგადი ინფორმაცია

შპს „ჯი ენ ელ“ (შემდგომში „კომპანია“) საიდენტიფიკაციო კოდით - 404507173, დაარსდა 2016 წელს და საქმიანობას ეწევა საქართველოს კანონმდებლობის შესაბამისად.

კომპანიის კაპიტალის წილობრივი ფლობა 2025 და 2024 წლების 31 დეკემბრის მდგომარეობით წარმოდგენილია შემდეგნაირად:

	31.12.2025	31.12.2024
შპს „ვინ“	100%	100%
	100%	100%

კომპანიის საბოლოო ბენეფიციარი მფლობელი და მკონტროლებელია ბატონი კობა ღურწყაია.

კომპანიის იურიდიული მისამართია - საქართველო, ქ. თბილისი, ვაკის რაიონი, ნინო რამიშვილის ქ., №20.

2017 წლის 24 ივლისს კომპანიამ საქართველოს ფინანსთა სამინისტროსთან გაფორმებული ხელშეკრულების ფარგლებში მოიპოვა ექსკლუზიური უფლება და დაინიშნა ექსკლუზიურ ორგანიზატორად, რომ მან საქართველოს ტერიტორიაზე ჩაატაროს და ორგანიზება გაუწიოს ლატარიის თამაშებს 10 (ათი) წლის ვადით.

კომპანიისთვის საქართველოს ფინანსთა სამინისტროს მიერ მინიჭებული ექსკლუზიური უფლება მოიცავს შემდგომ ქმედებებს:

- საქართველოს იურისდიქციაში ორგანიზება გაუწიოს და ჩაატაროს ლატარია
- გაყიდოს და განახორციელოს ლატარიის ბილეთების დისტრიბუცია ნებისმიერი კანონმდებლობით ნებადართული საშუალებისა და მეთოდის გამოყენებით, ინტერნეტით გაყიდვის ჩათვლით
- მიიღოს მოგება ლატარიის ორგანიზების და ჩატარებიდან
- უზრუნველყოს ლატარიის თამაშების პრიზების გაცემა
- განახორციელოს ლიცენზიის ხელშეკრულებაში აღნიშნული მომსახურება, ფუნქციები, ვალდებულებები და ამოცანები
- განახორციელოს სხვა საქმიანობა, რომელიც ლატარიის ჩატარების და ორგანიზების აუცილებელი ან ჩვეულებრივი ნაწილია და რომელიც არ არის აკრძალული ამ ხელშეკრულებით, სარეგულაციო მოთხოვნებით და გამოსაყენებელი კანონმდებლობით.

კომპანიის საქმიანობის მონიტორინგს ახორციელებს საქართველოს ფინანსთა სამინისტრო.

სამინისტროსთვის სავალდებულო გადასახდელია ლატარიის მოსაკრებელი, კომპანიის ტირაჟიანი და მომენტალური ლატარიის ბილეთების გაყიდვების მთლიან შემოსავლებსა და საპრიზო ფონდს შორის სხვაობის პროცენტი.

საქართველოს ფინანსთა სამინისტროს მიერ მინიჭებული ლიცენზიის თანახმად, საქართველოში ეროვნული ლატარიის მართვას ახორციელებს კომპანია, სავაჭრო ნიშნით - Lotto.ge.

ტირაჟიანი და მომენტალური ლატარიის გაყიდვები მთელი საქართველოს მასშტაბით დაიწყო 2018 წლის 17 მარტს.

2025 წლის განმავლობაში საქართველოს ეროვნული ლატარია წარმოდგენილი იყო სამი ტირაჟიანი ლოტოს 6/36-ის, 5/35-ოქროს ბურთისა და კენოს სახით. ტირაჟიანი ლატარიის გარდა, საქართველოს ეროვნული ლატარია საზოგადოებას სთავაზობს მომენტალური ლატარიის ე.წ. გადასაფხეკი ბილეთების 14 თამაშს: შვიდიანი 5 024, სუპერ 7 025, 3 შანსი 5, იღბლიანი ლარი 027, ფარაონი 5 028, ოქროს 7 029, შვიდიანი 6 030, სუპერ 7 031, 3 შანსი 032, იღბლიანი ლარი 034, ფარაონი 6 033, ნახევარი ლიმონი 035, ოქროს 7 037, შვიდიანი 7 038.

2024 წლის განმავლობაში საქართველოს ეროვნული ლატარია წარმოდგენილი იყო სამი ტირაჟიანი ლოტოს 6/36-ის, 5/35-ოქროს ბურთისა და კენოს სახით, ტირაჟიანი ლატარიის გარდა, საქართველოს ეროვნული ლატარია საზოგადოებას სთავაზობს მომენტალური ლატარიის ე.წ. გადასაფხეკი ბილეთების 13 თამაშს: 3 შანსი 4, ხელფასი, ფარაონი 4, შვიდიანი 5 024, სუპერ 7 025, 3 შანსი 5, იღბლიანი ლარი 027, ფარაონი 5 028, ოქროს 7 029, შვიდიანი 6 030, სუპერ 7 031, 3 შანსი 032, იღბლიანი ლარი 034.

საქართველოს ეროვნული ლატარიის ტირაჟიანი ლოტოს და მომენტალური გათამაშების ბილეთების შეძენა შესაძლებელია მთელი საქართველოს მასშტაბით ქუჩებში განთავსებულ ჯიხურებში, ლატარიის სერვის ცენტრებსა და დიდ სავაჭრო ობიექტებში.

2. მომზადების საფუძვლები

ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების კომიტეტის (ზასკ) მიერ გამოშვებული ფინანსური ანგარიშგების საერთაშორისო სტანდარტების, ბუღალტრული აღრიცხვის საერთაშორისო სტანდარტებისა და ინტერპრეტაციების (მთლიანობაში ფასს-ები) შესაბამისად.

წარდგენის საფუძველი

ფინანსური ანგარიშგება მომზადებულია ისტორიული ღირებულების საფუძველზე. კომპანიის საანგარიშგებო პერიოდი მოიცავს კალენდარულ წელს 1 იანვრიდან 31 დეკემბრამდე.

კომპანია სააღრიცხვო ჩანაწერებს აწარმოებს ფინანსური ანგარიშგების საერთაშორისო სტანდარტების შესაბამისად, ქართულ ლარში (თანხები მოცემულია ათასებში). წინამდებარე ფინანსური ანგარიშგება მომზადებულია კომპანიის სააღრიცხვო ჩანაწერებზე დაყრდნობით.

ფინანსური ანგარიშგების ფასს-ის მიხედვით მომზადება კომპანიის ხელმძღვანელობისგან ითხოვს გარკვეული შეფასებების გაკეთებას, რაც გავლენას იქონიებს აქტივებისა და ვალდებულებების საანგარიშო ღირებულებაზე ფინანსური ანგარიშგების შედგენის თარიღისათვის, ასევე იმოქმედებს შემოსავლისა და ხარჯების ოდენობაზე საანგარიშგებო პერიოდის განმავლობაში. ფაქტური შედეგები შესაძლოა განსხვავდებოდეს მიმდინარე შეფასებისაგან. შეფასებები პერიოდულად გადაიხედება. კორექტირებები, რამაც სააღრიცხვო შეფასებების ცვლილებები გამოიწვია, მიეკუთვნება იმ პერიოდის ფინანსურ შედეგებს, როცა ეს ცვლილებები გატარდა. ძირითადი სააღრიცხვო შეფასებების შესახებ განმარტებები მოცემულია მე-4 შენიშვნაში.

ფინანსური ანგარიშგების მომზადების პროცესში გამოყენებული არსებითი სააღრიცხვო პოლიტიკა მოცემულია მე-3 შენიშვნაში.

ფუნქციონირებადი საწარმო

წინამდებარე ფინანსური ანგარიშგება მომზადებულია იმ დაშვებით, რომ კომპანია ფუნქციონირებადი საწარმოს სტატუსს შეინარჩუნებს პროგნოზირებად მომავალში, რაც გულისხმობს, რომ კომპანია შეძლებს აქტივების რეალიზებას და ვალდებულებების დაფარვას ბიზნესის ნორმალურად ფუნქციონირების პროცესში. ამგვარად, განსჯისას, ხელმძღვანელობამ მხედველობაში მიიღო კომპანიის ფინანსური მდგომარეობა, არსებული განზრახვები, ფინანსურ რესურსებზე წვდომა და გაანალიზა კომპანიის ოპერაციებზე გარე ფაქტორების ზეგავლენა.

კომპანიის მიერ მიღებული 2025 წლის მთლიანი სრული ზარალი შეადგენს 4,296 ათას ლარს (2024: 3,160 ათასი ლარი); მოკლევადიანი ვალდებულებები 2025 წლის 31 დეკემბრის მდგომარეობით 17,569 ათასი ლარით აჭარბებს მოკლევადიან აქტივებს (31.12.2024 - 16,611 ათასი ლარი) და 2025 წლის 31 დეკემბრის მდგომარეობით დაგროვილი აქვს 32,772 ათასი ლარის ოდენობით ზარალი (31.12.2024: 29,594 ათასი ლარი). კომპანიას ფინანსური ინსტიტუტისგან მიღებული აქვს სესხები 31.12.2025 მდგომარეობით 9,008 ათასი ლარის ოდენობით, რომლის ხელშეკრულებით განსაზღვრულ ფინანსურ და არაფინანსურ მოთხოვნებსაც კომპანია ვერ აკმაყოფილებს. ასევე, კომპანიას ფინანსთა სამინისტროსთან გაფორმებული აქვს ლატარიის ლიცენზიის ხელშეკრულება, რომლის მიხედვითაც კომპანია რამდენიმე ფინანსურ და არაფინანსურ მოთხოვნას უნდა აკმაყოფილებდეს, მათ შორის ყოველ კვარტალურად უნდა იხდიდეს რეალიზაციის საკომისიოს, ბილეთების გაყიდვების მთლიან შემოსავლებსა და საპრიზო ფონდს შორის სხვაობის 10%-ის ოდენობით. მოთხოვნების შეუსრულებლობის შემთხვევაში, ფინანსთა სამინისტროს უფლება აქვს შეწყვიტოს ეს ხელშეკრულება ორგანიზატორისთვის შეწყვეტის შეტყობინების გაგზავნით. აღნიშნული მოთხოვნების ნაწილს, მაგალითად ყოველკვარტალური საკომისიოს გადახდის ვალდებულებას 2025 და 2024 წლის 31 დეკემბრის მდგომარეობით კომპანია ვერ აკმაყოფილებს. ამ გარემოებებს 2025 წლის 31 დეკემბრის მდგომარეობით, შესაძლოა ჰქონდეს ნეგატიური გავლენა კომპანიის საოპერაციო საქმიანობაზე მომავალში.

მიუხედავად ამისა, კომპანიის ხელმძღვანელობა თვლის, რომ თანდართული ფინანსური ანგარიშგების მომზადება ფუნქციონირებადი საწარმოს პრინციპის საფუძველზე მართებულია, შემდეგი გარემოებების გამო:

- როგორც მე-17 შენიშვნაშია მოცემული, კომპანიას სესხების ნაწილი (11,914 ათასი ლარი) მიღებული აქვს დაკავშირებული მხარეებისგან. აღნიშნული სესხების ნაწილი 2025 წლის 31 დეკემბრის მდგომარეობით წარმოადგენს გრძელვადიან ვალდებულებას.
- კომპანიამ გასულ პერიოდებში, კოვიდ-19 პანდემიასთან დაკავშირებული შეზღუდვების შედეგად, ვერ გადაიხდა ფინანსთა სამინისტროსთან გაფორმებული ლატარიის ლიცენზიის ხელშეკრულებით განსაზღვრული ყოველკვარტალური საკომისიო, თუმცა 2024 და 2025 წელს წარმოქმნილი დავალიანების არსებითი ნაწილი დაფარული აქვს.

2. მომზადების საფუძვლები (გაგრძელება)

- კომპანიის მიერ ლატარიის ორგანიზებისა და ჩატარების ხელშეკრულებით განსაზღვრული დავალიანების არ გადახდა წარმოადგენს სალიცენზიო ხელშეკრულების ერთ-ერთი პირობის დარღვევას, რომელსაც შესაძლოა სამინისტროს მხრიდან მოჰყვეს სალიცენზიო ხელშეკრულების შეწყვეტა. სალიცენზიო ხელშეკრულებაში გაწერილი პირობების თანახმად, იმ შემთხვევაში, თუ ხელშეკრულების ზემოთ აღნიშნული პირობების შეუსრულებლობა გამოსწორებადია და გამოსწორდება სამინისტროს მიერ კომპანიისთვის შეტყობინების გაგზავნიდან 30 კალენდარული დღის განმავლობაში, ამასთან, არ ექნება ადგილი შეუსრულებლობის შემთხვევას, სამინისტრო არ მიიღებს ხელშეკრულების შეწყვეტის გადაწყვეტილებას.
- 2025 წლის 31 დეკემბერს კომპანიამ მოიპოვა წერილი, სადაც აღნიშნულია, რომ ამავე თარიღის მდგომარეობით ფინანსური ინსტიტუტებისგან მიღებულ სესხებზე (სასესხო ვალდებულების ნაშთი 31.12.2025 მდგომარეობით შეადგენს 9,008 ათას ლარს, საიდანაც გრძელვადიანი სასესხო ვალდებულების ნაშთი შეადგენს 3,192 ათას ლარს) არსებული დარღვევების გამო, ბანკი არ ითხოვს და არ მოითხოვს სესხის ვადაზე ადრე დაფარვას, თუმცა, მოთხოვნების დარღვევის გაგრძელების შემთხვევაში, განუსაზღვრელია ბანკი გამოიყენებს თუ არა ხელშეკრულებით მინიჭებულ უფლებებს 2025 წლის 31 დეკემბრის შემდგომ. დამატებითი ინფორმაციისთვის იხილეთ შენიშვნა 21.

ცვლილება სააღრიცხვო პოლიტიკაში

ახალი და განახლებული ფასის სტანდარტების მიღება

სტანდარტები და ცვლილებები, რომლებიც პირველად ამოქმედდა 2025 წლის განმავლობაში

ბასს 21-ის ცვლილებები – გაცვლადობის არარსებობა

ცვლილებები ადგენს მოთხოვნებს იმ შემთხვევების იდენტიფიცირებისთვის, როდესაც ვალუტა არ არის გაცვლადი სხვა ვალუტაზე კონკრეტული შეფასების თარიღისთვის. იმ შემთხვევაში, როდესაც ვალუტა არ არის გაცვლადი, საწარმო ვალდებულია დაადგინოს სპოტ-სავალუტო კურსი შეფასების მეთოდის გამოყენებით. აღნიშნული ცვლილებების მიღებას კომპანიის ფინანსურ ანგარიშგებაზე მნიშვნელოვანი გავლენა არ მოუხდენია.

გამოშვებული სტანდარტები, ინტერპრეტაციები და ცვლილებები რომლებიც არ არის ამოქმედებული

ქვემოთ წარმოდგენილია ის სტანდარტები და ცვლილებები, რომლებიც გამოშვებულია, თუმცა 2025 წლის 31 დეკემბრის მდგომარეობით ჯერ არ არის ამოქმედებული და კომპანიას ნაადრევად არ მიუღია.

ძალაში შესვლა წლიური საანგარიშგებო პერიოდებისთვის, რომლებიც იწყება 2026 წლის 1 იანვრიდან ან მის შემდეგ

ფასს 9-ისა და ფასს 7-ის ცვლილებები – ფინანსური ინსტრუმენტების კლასიფიკაცია და შეფასება

ცვლილებები ითვალისწინებს:

- გარკვეული ფინანსური აქტივებისა და ვალდებულებების აღიარებისა და ჩამოწერის დროის დაზუსტებას, მათ შორის გამონაკლისს ზოგიერთი ფინანსური ვალდებულებისთვის, რომელიც იფარება ელექტრონული ფულადი გადარიცხვის სისტემის მეშვეობით;
- დამატებით განმარტებასა და მითითებებს ფინანსური აქტივების შეფასებისთვის მხოლოდ ძირისა და პროცენტის გადახდების კრიტერიუმის (SPPI) შესაბამისად;
- ახალ გამჟღავნების მოთხოვნებს იმ ფინანსური ინსტრუმენტებისთვის, რომელთა სახელშეკრულებო პირობები შეიძლება იწვევდეს ფულადი ნაკადების ცვლილებას;
- ხელშეკრულებით დაკავშირებული ფინანსური ინსტრუმენტების ძირითადი მახასიათებლების განმარტებას და თუ როგორ განსხვავდება ისინი არარეგრესული მახასიათებლების მქონე ფინანსური აქტივებისგან, ასევე მოიცავს ფაქტორებს, რომლებიც კომპანიამ უნდა გაითვალისწინოს არარეგრესული მახასიათებლების მქონე ფინანსური აქტივის ფულადი ნაკადების შეფასებისას („გადახედვის ტესტი“); და
- ცვლილებებს სამართლიან ღირებულებაზე სხვა ყოვლისმომცველ შემოსავალში კლასიფიცირებული კაპიტალის ინსტრუმენტების გამჟღავნებაში.

ფასს სტანდარტების წლიური გაუმჯობესებები – ტომი 11

წლიური გაუმჯობესებები მოიცავს მცირე მასშტაბის ცვლილებებს, რომლებიც მიზნად ისახავს ფასს სტანდარტებში არსებული ტექსტის დაზუსტებას ან შედარებით უმნიშვნელო შეუსაბამოების, შეცდომებისა და წინააღმდეგობების გამოსწორებას. ცვლილებები შეეხება ფასს 1-ს, ფასს 7-ს, ფასს 9-ს, ფასს 10-ს და ბასს 7-ს.

2. მომზადების საფუძვლები (გაგრძელება)

ფასს 9-ისა და ფასს 7-ის ცვლილებები – ბუნებაზე დამოკიდებული ელექტროენერგიის კონტრაქტები

ცვლილებები აზუსტებს „საკუთარი გამოყენების“ მოთხოვნების გამოყენებას, ნებადართულს ხდის ჰეჯირების აღრიცხვას შესაბამის შემთხვევებში და შემოაქვს მიზნობრივი გამჟღავნების მოთხოვნები. ცვლილებები ვრცელდება იმ კონტრაქტებზე, რომლებიც საწარმოს აყენებს ელექტროენერგიის ფასის ცვალებადობის რისკის წინაშე ბუნებრივი, კონტროლს მიღმა არსებული ფაქტორების გამო.

აღნიშნული ცვლილებები ძალაში შედის წლიური საანგარიშგებო პერიოდებისთვის, რომლებიც იწყება 2026 წლის 1 იანვარს ან შემდეგ. ცვლილებების ადრეული გამოყენება ნებადართულია. თუმცა, გარკვეული იურისდიქციებისთვის ცვლილებების გამოყენებამდე აუცილებელია მათი ოფიციალური დამტკიცება.

ძალაში შესვლა წლიური საანგარიშგებო პერიოდებისთვის, რომლებიც იწყება 2027 წლის 1 იანვრიდან ან მის შემდეგ

ბასს 21-ის ცვლილებები – ჰიპერინფლაციური პრეზენტაციის ვალუტაში წარდგენა

ცვლილებები ადგენს ფინანსური ანგარიშგების წარდგენის წესებს იმ შემთხვევებში, როდესაც საწარმოს პრეზენტაციის ვალუტა ჰიპერინფლაციური ეკონომიკის ვალუტაა, ხოლო ფუნქციური ვალუტა არა. ცვლილებების მიზანია ინფორმაციის სარგებლიანობის გაუმჯობესება და პრაქტიკაში არსებული განსხვავებების შემცირება.

ფასს 18 – ფინანსური ანგარიშგების წარმოდგენა და გამჟღავნება

ფასს 18 შემოაქვს ახალი მოთხოვნები ფინანსური ანგარიშგების წარმოდგენისა და ინფორმაციის გამჟღავნების მიმართულებით, მათ შორის:

- მოგება-ზარალის ანგარიშის განახლებული სტრუქტურა და სავალდებულო შუალედური ჯამები;
- ინფორმაციის აგრეგაციისა და დეზაგრეგაციის გაძლიერებული პრინციპები; და
- მენეჯმენტის მიერ განსაზღვრული შესრულების მაჩვენებლების გამჟღავნების მოთხოვნები.

ფასს 18-ის გამოქვეყნების მიზანია კომპანიების ანგარიშგების შესადარისობისა და გამჭვირვალობის გაუმჯობესება. ფასს 18-მა ასევე გამოიწვია მცირედი ცვლილებები ფულადი ნაკადების ანგარიშგებაში.

ფასს 19 – შვილობილი კომპანიები საჯარო ანგარიშგებულების გარეშე: გამჟღავნება

ფასს 19 უფლებას აძლევს უფლებამოსილ შვილობილ კომპანიებს გამოიყენონ ფასს სტანდარტები შემცირებული გამჟღავნების მოთხოვნებით, აღიარების, შეფასებისა და წარმოდგენის პრინციპების უცვლელად შენარჩუნებით. სტანდარტის გამოყენება ნებაყოფლობითია შესაბამისი კრიტერიუმების დაკმაყოფილების შემთხვევაში.

ფასს 19-ის ცვლილებები – შვილობილი კომპანიები საჯარო ანგარიშგებულების გარეშე: გამჟღავნება

ცვლილებები ამცირებს გამჟღავნების მოთხოვნებს გარკვეული სტანდარტებისა და ცვლილებების მიმართ, მათ შორის ფასს 18-ის, მომწოდებელთა დაფინანსების შეთანხმებების, მეორე სვეტის (Pillar Two) საგადასახადო რეფორმის, ბასს 21-ის გაცვლადობის ცვლილებებისა და ფასს 9-ისა და ფასს 7-ის ცვლილებების ფარგლებში.

ამ ცვლილებების გამოყენების შემდეგ, ფასს 19 ასახავს IFRS საბუღალტრო სტანდარტებში განხორციელებულ ცვლილებებს, რომლებიც ძალაში შედის ფასს 19-ის ამოქმედების თარიღამდე. შემდგომში ფასს 19 შეიცვლება იმავე დროს, როდესაც გამოიცემა ან გადაიხედება სხვა IFRS საბუღალტრო სტანდარტები.

კომპანიის ხელმძღვანელობას არ გააჩნია მოლოდინი, რომ ბასსკ-ის მიერ გამოშვებულ რომელიმე სტანდარტს/ცვლილებას, რომელიც ჯერ არ არის ძალაში შესული, ექნება არსებითი გავლენა კომპანიის ფინანსურ ანგარიშგებაზე.

3. არსებითი საადრიცხო პოლიტიკა**ოპერაციები უცხოურ ვალუტაში**

ფინანსურ ანგარიშგებაში ასახული მუხლები წარმოდგენილია იმ ქვეყნის ვალუტაში, სადაც კომპანია ფუნქციონირებს (საოპერაციო ვალუტა). ამგვარად, მოცემული ფინანსური ანგარიშგება წარმოდგენილია ქართულ ლარში, რომელიც კომპანიის ფუნქციონალური და წარსადგენი ვალუტაა.

უცხოურ ვალუტაში ასახული მონეტარული აქტივები და ვალდებულებები გადაიანგარიშება საქართველოს ეროვნული ბანკის მიერ დადგენილი ვალუტის გაცვლის ოფიციალური კურსის შესაბამისად, წლის ბოლოსათვის. უცხოურ ვალუტაში გამოხატული შედეგები აღირიცხება ოპერაციის განხორციელების დღეს არსებული გაცვლის კურსის შესაბამისად. მონეტარული მუხლების კონვერტაციის დროს წარმოშობილი კურსთა შორის სხვაობები აისახება პერიოდის სრული შემოსავლის ანგარიშგებაში.

უცხოური ვალუტით მიღებული არამონეტარული მუხლები შეფასებულია ოპერაციის დღის კურსით.

2025 და 2024 წლების 31 დეკემბერს უცხოურ ვალუტაში არსებული ნაშთების კონვერტაციისთვის გამოყენებული ბოლო გაცვლითი კურსი იყო შემდეგი:

	საქართველოს ეროვნული ბანკის ოფიციალური კურსი	
	აშშ დოლარი	ევრო
კურსი 2025 წლის 31 დეკემბრისთვის	2.6951	3.1737
კურსი 2024 წლის 31 დეკემბრისთვის	2.8068	2.9306

ფინანსური ინსტრუმენტები**ფინანსური აქტივები**

ფინანსური აქტივები შეიძლება წარდგეს სამ კატეგორიად - „ამორტიზებული ღირებულებით შეფასებული ფინანსური აქტივი“, „რეალური ღირებულებით შეფასებული ფინანსური აქტივი, ცვლილებების მოგებაში ან ზარალში ასახვით“, „რეალური ღირებულებით შეფასებული, ცვლილებების სხვა სრულ შემოსავალში ასახვით“. 2025 და 2024 წლების 31 დეკემბრის მდგომარეობით კომპანიის ყველა აქტივი წარდგენილია, როგორც „ამორტიზებული ღირებულებით შეფასებული ფინანსური აქტივი“.

ამორტიზებული ღირებულებით შეფასებული ფინანსური აქტივი

მოცემული აქტივები წარმოიქმნება მომხმარებლებისთვის საქონლისა და მომსახურების მიწოდებიდან, ასევე მოიცავს სხვა სახის ფინანსურ აქტივებს, რომლის ფლობის მიზანია სახელშეკრულებო ფულადი ნაკადების მიღება და ეს ფულადი ნაკადები წარმოადგენს მხოლოდ ძირს და მასზე დარიცხულ პროცენტს. ისინი საწყისი აღიარებისას შეფასებულია რეალური ღირებულებით დამატებული გარიგების ის დანახარჯები, რომლებიც უშუალოდ დაკავშირებულია ფინანსური აქტივის შეძენასთან ან გამოშვებასთან და შემდგომში აღირიცხება ამორტიზებული ღირებულებით, ეფექტური საპროცენტო განაკვეთის მეთოდის გამოყენებით, შემცირებული გაუფასურების რეზერვის მოცულობით.

მიმდინარე სავაჭრო მოთხოვნების გაუფასურების რეზერვი აღიარებულია პრაქტიკული ხასიათის გამარტივებული მიდგომის საფუძველზე, რომლის მიხედვით არსებობის მანძილზე სავაჭრო მოთხოვნების მოსალოდნელი საკრედიტო ზარალი გამოითვლება რეზერვების მატრიცის გამოყენებით. კომპანია საკრედიტო ზარალის წარსულ მონაცემებს იყენებს ფინანსური აქტივების არსებობის მანძილზე მოსალოდნელი საკრედიტო ზარალის შესაფასებლად. კომპანია აფასებს ფინანსური აქტივებიდან ფულადი ნაკადების გადაუხდელობის ალბათობას. შემდეგ მოცემული ალბათობა მრავლდება მოსალოდნელ დანაკარგებზე, რომელიც გამოწვეულია ხელშეკრულების შეუსრულებლობის რისკიდან, რათა განისაზღვროს სავაჭრო მოთხოვნების არსებობის მანძილზე მოსალოდნელი გაუფასურების დანაკარგი.

სავაჭრო მოთხოვნები აღირიცხება წმინდა ღირებულებით, რომლის გაუფასურების რეზერვიც აღირიცხება განცალკევებულ ანგარიშზე ხარჯის კორესპონდენციით, რომელიც აღიარებულია ხარჯად მოგება ან ზარალის და სხვა სრული შემოსავლის ანგარიშგებაში.

3. არსებითი სააღრიცხვო პოლიტიკა (გაგრძელება)

კომპანია სავაჭრო მოთხოვნების სრულ ღირებულებას ჩამოწერს რეზერვის მოცულობაზე, როდესაც განსაზღვრავს, რომ სავაჭრო მოთხოვნა აღარ ექვემდებარება დაბრუნებას.

ფინანსური აქტივები შეფასებული ამორტიზებული ღირებულებით მოიცავს სავაჭრო და სხვა მოთხოვნებს და ფული და ფულის ეკვივალენტებს. ფული და ფულის ეკვივალენტები მოიცავს სალაროში არსებულ ფულსა და მიმდინარე საბანკო ანგარიშებზე არსებულ თანხებს.

ფინანსური ვალდებულებები

ოპერაციის მიზნიდან გამომდინარე კომპანია ფინანსურ ვალდებულებებს წარადგენს შემდეგი კატეგორიებიდან ერთ-ერთით: რეალური ღირებულებით, მოგებაში ან ზარალში ასახვით და სხვა ფინანსურ ვალდებულებებად. კომპანიას ყველა ფინანსური ვალდებულება წარდგენილი აქვს „სხვა ფინანსური ვალდებულებების“ კატეგორიაში. სხვა ფინანსური ვალდებულებები მოიცავს მიღებულ სესხებს, სავაჭრო და სხვა ვალდებულებებს, საიჯარო ვალდებულებებს.

სხვა ფინანსური ვალდებულებები საწყისი აღიარებისას შეფასებულია რეალური ღირებულებით დამატებული გარიგების ის დანახარჯები, რომლებიც უშუალოდ დაკავშირებულია ფინანსური ვალდებულებების გამოშვებასთან. მსგავსი პროცენტის მატარებელი ვალდებულებები შემდგომში აღრიცხულია ამორტიზებული ღირებულებით ეფექტური საპროცენტო განაკვეთის მეთოდის გამოყენებით, რომელიც უზრუნველყოფს მუდმივი განაკვეთით ფინანსური ვალდებულების საბალანსო ღირებულებაზე საპროცენტო ხარჯის დარიცხვას. ნებისმიერი ფინანსური ვალდებულებისთვის საპროცენტო ხარჯი მოიცავს გარიგების საწყის ხარჯებს და ნებისმიერ დამატებით გადასახდელს ვალდებულების გამოსყიდვისთვის.

ფინანსური აქტივებისა და ვალდებულებების ურთიერთგადაფარვა

კომპანია ფინანსურ აქტივებსა და ვალდებულებებს ურთიერთგადაფარავს მაშინ, როდესაც ურთიერთჩათვლა იურიდიულად არ არის შეზღუდული და კომპანია გეგმავს ანგარიშსწორებას ნეტო საფუძველზე ან ფინანსური აქტივის მიღებას და ვალდებულების დაფარვას გეგმავს ერთგვაროვნად.

ძირითადი საშუალებები და არამატერიალური აქტივები

ძირითადი საშუალებები და არამატერიალური აქტივები აღირიცხება ისტორიულ ღირებულებას, დაგროვილ ცვეთასა და გაუფასურების ზარალს შორის სხვაობის თანხით.

ძირითადი საშუალებების და არამატერიალური აქტივების სასარგებლო მომსახურების ვადებია:

ჯგუფი**სასარგებლო მომსახურების
ვადა (წელი)****ძირითადი საშუალება**

კომპიუტერული და სხვა ტექნიკური აღჭურვილობა

3,5-10

იჯარით აღებული ქონების კეთილმოწყობა

5

ავეჯი და სხვა ძირითადი საშუალებები

5-10

არამატერიალური აქტივი

ლატარიის ორგანიზებისა და ჩატარების ლიცენზია

10

სხვა ლიცენზია

8,5 – 10

ცვეთა/ამორტიზაცია ერიცხება აღნიშნულ აქტივთა ჯგუფს, მთლიანად მათი სასარგებლო მომსახურების ვადის განმავლობაში. კომპანია იყენებს ცვეთის/ამორტიზაციის წრფივი დარიცხვის მეთოდს ძირითადი საშუალებების და არამატერიალური აქტივების ყველა ჯგუფისათვის.

წრფივი მეთოდი გულისხმობს აქტივის თვითღირებულების ან გაუფასურებული ღირებულების განაწილებას აქტივის მთელი მომსახურების ვადის მანძილზე.

ძირითადი საშუალებების სარემონტო დანახარჯები აღიარდება პერიოდის ხარჯებად, გარდა იმ შემთხვევისა, როდესაც ისინი აკმაყოფილებენ კაპიტალური დანახარჯების კრიტერიუმებს.

ყოველი საანგარიშგებო პერიოდის ბოლოსთვის ხდება აქტივის სასარგებლო მომსახურების ვადის გადახედვა, და საჭიროების შემთხვევაში, მათი შეცვლა, რისი შედეგის ასახვაც ხდება პერსპექტიულად.

ყოველი საანგარიშგებო პერიოდის ბოლოს ხელმძღვანელობა ამოწმებს აქტივებს გაუფასურებაზე. თუ არსებობს ამის ნიშნები ხელმძღვანელობა აფასებს ანაზღაურებად ღირებულებას, რომელიც განისაზღვრება, როგორც აქტივის რეალურ ღირებულებასა და აქტივის გამოყენების ღირებულებას შორის უდიდესით. ნარჩენი ღირებულება მცირდება ანაზღაურებად ღირებულებამდე და გაუფასურების ზარალი აღიარდება წლის მოგება-ზარალში.

3. არსებითი სააღრიცხვო პოლიტიკა (გაგრძელება)

აქტივის გაუფასურების ზარალის კომპენსირება დაუყოვნებლივ აღიარდება მოგებისა და ზარალის ანგარიშგებაში, თუ მოცემული აქტივი აღრიცხული არ არის გადაფასებული ღირებულებით ბუღალტრული აღრიცხვის სხვა საერთაშორისო სტანდარტის შესაბამისად.

ფული და ფულის ეკვივალენტები

ფული და ფულის ეკვივალენტები მოიცავს ნაღდი ფულის ნაშთს სალაროში, ფულს ბანკში, დეპოზიტებს და ფასიან ქაღალდებს რომელთა თავდაპირველი ვადაც მაქსიმუმ 90 დღეა. ფული და ფულის ეკვივალენტები საწყისად აღიარდება რეალური ღირებულებით და შემდეგ ამორტიზებადი ღირებულებით.

არაფინანსური აქტივების გაუფასურება, გარდა მარაგებისა

ანგარიშგების ყოველი პერიოდის ბოლოს კომპანია გადახედავს მატერიალური და არამატერიალური აქტივების საბალანსო ღირებულებებს, რომ განსაზღვროს, არსებობს თუ არა ამ აქტივების გაუფასურების ნიშნები. ასეთი ნიშნების არსებობის შემთხვევაში, ფასდება ამ აქტივის ანაზღაურებადი ღირებულება იმისათვის, რომ განისაზღვროს გაუფასურების ზარალის (ასეთის არსებობის შემთხვევაში) მასშტაბი.

ანაზღაურებადი ღირებულება არის გაყიდვის დანახარჯებით შემცირებულ რეალურ ღირებულებასა და გამოყენების ღირებულებას შორის უდიდესი. გამოყენების ღირებულების შესაფასებლად სავარაუდო მომავალი ფულადი ნაკადების დღევანდელ ღირებულებამდე დისკონტირება ხდება დასაბეგრი დისკონტირების განაკვეთის გამოყენებით, რომელიც ასახავს ფულის დროითი ღირებულების არსებულ საბაზრო შეფასებებს და აქტივისთვის დამახასიათებელ რისკებს, რომლისთვისაც არ დაკორექტირებულა სამომავლოდ პროგნოზირებული ფულადი ნაკადები.

თუ აქტივის (ან ფულადი სახსრების წარმომქმნელი ერთეულის) ანაზღაურებადი ღირებულება შეფასებულია, როგორც მის საბალანსო ღირებულებაზე ნაკლები, მაშინ აქტივის (ან ფულადი სახსრების წარმომქმნელი ერთეულის) საბალანსო ღირებულება მცირდება მის ანაზღაურებად ღირებულებამდე. გაუფასურების ზარალის აღიარება ხდება დაუყოვნებლივ მოგებაში ან ზარალში.

თუ გაუფასურების ზარალი შემდგომში შებრუნდება, აქტივის (ან ფულადი სახსრების წარმომქმნელი ერთეულის) საბალანსო ღირებულება გაიზრდება და შეადგენს მისი ანაზღაურებადი ღირებულების გადასინჯულ ოდენობას, მაგრამ ისე, რომ გაზრდილი საბალანსო ღირებულება არ აღემატებოდეს იმ საბალანსო ღირებულებას, რომელიც განისაზღვრებოდა, წინა წლებში აქტივზე (ან ფულადი სახსრების წარმომქმნელ ერთეულზე) გაუფასურების ზარალი რომ არ ყოფილიყო აღიარებული. გაუფასურების ზარალის შებრუნების აღიარება ხდება დაუყოვნებლივ მოგებაში ან ზარალში.

მარაგები

მარაგების საწყისი აღიარება ხდება თვითღირებულებით და შემდგომ თვითღირებულებასა და ნეტო სარეალიზაციო ღირებულებას შორის უმცირესით. თვითღირებულება მოიცავს შეძენის, გადამუშავების და სხვა ხარჯებს, რომლებიც დაკავშირებულია მარაგების ტრანსპორტირებასა და დასაწყობებასთან. სავაჭრო ფასდათმობები არ ჩაირთვება შეძენის დანახარჯებში.

კომპანია ყველა სახის მარაგის ჩამოწერისთვის (მათ შორის ბილეთები) იყენებს საშუალო შეწონილი ღირებულების მეთოდს.

მარაგების გაყიდვის შემთხვევაში მისი საბალანსო ღირებულების აღიარება ხდება იმ პერიოდის ხარჯად, როდესაც აღიარდება მისი შესაბამისი შემოსავალი. მარაგების ნეტო სარეალიზაციო ღირებულებამდე ჩამოწერის თანხებიც აღიარდება იმ პერიოდის ხარჯად, როდესაც ხდება ჩამოწერა ან ადგილი აქვს დანაკარგებს. მარაგების ნეტო სარეალიზაციო ღირებულების გაზრდით გამოწვეული ნებისმიერი ჩამოწერის უკუგატარების (გაუქმების) თანხა ზრდის გაუფასურებული მარაგების საბალანსო ღირებულებას განახლებულ ნეტო სარეალიზაციო ღირებულებასა და თვითღირებულებას შორის უმცირეს თანხამდე.

დაგროვილი ზარალი

კომპანიის დაგროვილი ზარალი წარმოქმნილია საანგარიშგებო პერიოდის მთლიანი სრული ზარალით, ასევე დაკავშირებულ მხარეებთან განხორციელებული ტრანზაქციების შედეგად, კონკრეტულად, კი დაკავშირებული მხარეებისგან მიღებული სესხების დისკონტირების ეფექტით.

3. არსებითი სააღრიცხვო პოლიტიკა (გაგრძელება)

კომპანია როგორც მოიჯარე

იჯარის იდენტიფიკაცია

ხელშეკრულების დაწყებისას კომპანია აფასებს, მთლიანად ხელშეკრულება არის თუ არა იჯარა, ან შეიცავს თუ არა იჯარას. ხელშეკრულება არის საიჯარო ხელშეკრულება, ან შეიცავს იჯარას, თუ ხელშეკრულების მეშვეობით ხდება იდენტიფიცირებული აქტივის კონტროლის უფლების გადაცემა გარკვეული პერიოდის განმავლობაში, ანაზღაურების მიღების სანაცვლოდ. იმის დასადგენად, ესა თუ ის ხელშეკრულება გადასცემს თუ არა მომხმარებელს იდენტიფიცირებული აქტივის გამოყენების კონტროლის უფლებას გარკვეული პერიოდის განმავლობაში, კომპანია აფასებს, გამოყენების პერიოდის განმავლობაში მომხმარებელს გააჩნია თუ არა შემდეგი ორივე უფლება:

- ხელშეკრულებაში იდენტიფიცირებული აქტივიდან პრაქტიკულად მთლიანი სარგებლის მიღების უფლება და
- იდენტიფიცირებული აქტივის გამოყენების წესის განსაზღვრის უფლება

საწყისი აღიარება

იჯარის ვადის დაწყების თარიღისთვის, კომპანია აღიარებს აქტივის გამოყენების უფლებას და საიჯარო ვალდებულებას, გარდა:

- იჯარისა, რომლის საიჯარო აქტივს დაბალი ღირებულება აქვს და
- იჯარისა, რომლის ვადა 12 თვეზე ნაკლებია.

იჯარა კომპანიის ფინანსურ ანგარიშგებაში აღიარდება როგორც:

- აქტივი, რომელიც წარმოადგენს იჯარის ვადის განმავლობაში, იჯარის ობიექტის გამოყენების უფლებას და
- ვალდებულება საიჯარო გადასახდელების ანაზღაურებისთვის.

იჯარის ვადის დაწყების თარიღისთვის, მოიჯარე საიჯარო ვალდებულებას აფასებს იმ საიჯარო გადახდების დღევანდელი ღირებულების მიხედვით, რომლებიც ამ თარიღისთვის განხორციელებული არ არის. საიჯარო გადახდების დისკონტირება ხორციელდება იჯარაში ნაგულისხმევი საპროცენტო განაკვეთით, თუ ამ განაკვეთის განსაზღვრა ადვილად არის შესაძლებელი. თუ ეს შეუძლებელია, გამოიყენება იჯარის ვადის დაწყების თარიღისთვის განსაზღვრული მოიჯარის ზღვრული სასესხო განაკვეთი. საიჯარო ვალდებულების შეფასებაში ცვლადი საიჯარო გადახდები მონაწილეობს იმ მოცულობით, რა მოცულობითაც დამოკიდებულია ინდექსზე ან განაკვეთზე. ცვლადი საიჯარო გადახდები თავდაპირველად ფასდება იჯარის ვადის დაწყების თარიღის მდგომარეობით ამ ინდექსის ან განაკვეთის გამოყენებით. სხვა ცვლადი საიჯარო გადახდები აღიარდება იმ პერიოდის ხარჯად, რომელსაც ისინი მიეკუთვნება.

იჯარის ვადის დაწყების თარიღისთვის, კომპანიის ვალდებულება საიჯარო გადასახდელების ანაზღაურებისთვის მოიცავს:

- თანხებს, რომელთა გადახდა მოსალოდნელია ნარჩენი ღირებულების გარანტიების მიხედვით;
- შესყიდვის არჩევანის უფლების ფასს, თუ საკმარისად სარწმუნოა, რომ მოიჯარე გამოიყენებს ამ უფლებას;
- იჯარის ვადამდე შეწყვეტისთვის ჯარიმებს, თუ იჯარის ვადა ასახავს მოიჯარის მიერ იჯარის ვადამდე შეწყვეტის არჩევანის უფლების გამოყენებას;

იჯარის ვადის დაწყების თარიღისთვის კომპანიამ აქტივის გამოყენების უფლებას აფასებს თვითღირებულებით. აქტივის გამოყენების უფლების თვითღირებულება მოიცავს:

- საიჯარო ვალდებულების თავდაპირველ შეფასებას,
- საიჯარო გადახდებს, რომლებიც უკვე განხორციელებულია იჯარის ვადის დაწყების თარიღისთვის, ან ამ თარიღამდე, მიღებული წამახალისებელი საიჯარო გადახდების გამოკლებით;
- მოიჯარის მიერ გაწეულ თავდაპირველ პირდაპირ დანახარჯებს; და
- იმ დანახარჯების შეფასებას, რომლებსაც მოიჯარე გასწევს საიჯარო აქტივის დემონტაჟისა და ლიკვიდაციის დროს, იმ ადგილის აღსადგენად, სადაც განთავსებულია აქტივი, ან საიჯარო აქტივის აღსადგენად ისეთ მდგომარეობაში მოყვანის მიზნით, რაც მოითხოვება საიჯარო ხელშეკრულების პირობებით.

3. არსებითი სააღრიცხვო პოლიტიკა (გაგრძელება)

შემდგომი შეფასება

იჯარის ვადის დაწყების თარიღის შემდეგ საიჯარო ვალდებულება იზრდება პროცენტის ასახვით და მცირდება განხორციელებული საიჯარო გადახდებით. აქტივის გამოყენების უფლება მცირდება დაგროვილი ცვეთით და დაგროვილი გაუფასურების გამოკლებით. თუ საიჯარო ხელშეკრულების თანახმად საიჯარო აქტივზე საკუთრების უფლება იჯარის ვადის დასრულებისას მოიჯარეს გადაეცემა, ან აქტივის გამოყენების უფლების თვითღირებულება ასახავს მოიჯარის განზრახვას, რომ ის გამოიყენებს აქტივის შესყიდვის არჩევანის უფლებას, აქტივს ცვეთა უნდა დაერიცხოს იჯარის ვადის დაწყების თარიღიდან საიჯარო აქტივის სასარგებლო მომსახურების ვადის დასრულებამდე. სხვა შემთხვევაში, აქტივის გამოყენების უფლებას ცვეთა ერიცხება იჯარის ვადის დაწყების თარიღიდან შემდეგ ორ თარიღს შორის უფრო ადრინდელ თარიღამდე: აქტივის გამოყენების უფლების სასარგებლო მომსახურების ვადის დასრულებისა და იჯარის ვადის დასრულების თარიღი.

იჯარის ვადის დაწყების თარიღის შემდეგ კომპანია ხელახლა აფასებს საიჯარო ვალდებულებას, საიჯარო გადახდების ცვლილებების ასახვის მიზნით. საიჯარო ვალდებულების ხელახალი შეფასების შედეგად მიღებული თანხა აღიარდება, როგორც აქტივის გამოყენების უფლების კორექტირება. თუმცა, თუ აქტივის გამოყენების უფლების საბალანსო ღირებულება მცირდება ნულამდე და ამავე დროს მცირდება საიჯარო ვალდებულების შეფასებაც, ხელახალი შეფასების თანხის დარჩენილი ნაწილი აღიარდება მოგება/ზარალში. საიჯარო ვალდებულება ხელახლა ფასდება გადასინჯული საიჯარო გადახდების და გადასინჯული დისკონტირების განაკვეთის გამოყენებით, ნებისმიერ შემდეგ შემთხვევაში, თუ: შეიცვალა იჯარის ვადა, ან შეიცვალა საიჯარო აქტივის შესყიდვის არჩევანის უფლების შეფასება.

თუ შეიცვალა თანხები, რომელთა გადახდაც მოსალოდნელია ნარჩენი ღირებულების გარანტიის პირობის ფარგლებში ან შეიცვალა მომავალი საიჯარო გადახდები იმის გამო, რომ შეიცვალა ამ გადახდების განსაზღვრისთვის გამოსაყენებელი ინდექსი ან განაკვეთი, საიჯარო ვალდებულება ხელახლა ფასდება იჯარის ვადის დასაწყისში განსაზღვრული დისკონტირების განაკვეთის გამოყენებით, იმ შემთხვევის გარდა, როდესაც საიჯარო გადახდების ცვლილება გამოწვეულია ცვლადი საპროცენტო განაკვეთების ცვლილებით.

როცა კომპანია ახდენს იჯარის სახელშეკრულებო პირობების მოდიფიკაციას, ამ შემთხვევაში, აღრიცხვა დამოკიდებულია მოდიფიკაციის შინაარსზე:

- იჯარის მოდიფიკაცია აისახება, როგორც განცალკევებული იჯარა, თუ მოდიფიკაციის შედეგად იზრდება იჯარის გამოყენების სფერო და იჯარის ანაზღაურება იზრდება გაზრდილი გამოყენების სფეროს შესაფერისი ანაზღაურებით.
- იჯარის ისეთი მოდიფიკაციის შემთხვევაში, რომელიც არ აღირიცხება, როგორც განცალკევებული იჯარა, იჯარის მოდიფიკაციის ძალაში შესვლის თარიღისთვის მოიჯარე ხელახლა აფასებს საიჯარო ვალდებულებას გადასინჯული საიჯარო გადახდების დისკონტირებით გადასინჯული დისკონტირების განაკვეთის საფუძველზე.
- იჯარის ისეთი მოდიფიკაციის შემთხვევაში, რომლის შედეგად მცირდება იჯარის მოქმედების სფერო, მცირდება აქტივის გამოყენების უფლების საბალანსო ღირებულება იჯარის ნაწილობრივ ან სრულად შეწყვეტის ასახვის მიზნით, მოგება/ზარალში აღიარდება ნებისმიერი შემოსულობა ან ზარალი, რომელიც დაკავშირებულია იჯარის ნაწილობრივ ან მთლიანად შეწყვეტასთან; საიჯარო ვალდებულება შემდგომში კორექტირდება იმგვარად, რომ მისმა საბალანსო ღირებულებამ ასახოს მოდიფიცირებული საიჯარო გადასახდელები მოდიფიცირებული ვადის განმავლობაში, რომლებიც დადისკონტირებულია მოდიფიკაციის თარიღისთვის არსებული განაკვეთით. ასეთ დროს, აქტივის გამოყენების უფლებაც შესაბამისი თანხით კორექტირდება.

კომპანია არასაიჯარო კომპონენტებს არ გამოაცალკევებს საიჯარო კომპონენტებისგან და ამის ნაცვლად თითოეული საიჯარო კომპონენტი და მასთან დაკავშირებული არასაიჯარო კომპონენტი აღირიცხება, როგორც ერთი საიჯარო კომპონენტი.

იჯარის ვადის განსაზღვრა

იჯარის ვადა არის იჯარის არაგაუქმებადი პერიოდი, რომლის განმავლობაშიც მოიჯარეს აქვს საიჯარო აქტივის გამოყენების უფლება, შემდეგ პერიოდებთან ერთად: ა) პერიოდები, რომლებსაც მოიცავს იჯარის გაგრძელების არჩევანის უფლება (მათ შორის მიღებული საქმიანი პრაქტიკით გამყარებული), თუ საკმარისად სარწმუნოა, რომ მოიჯარე ამ უფლებას გამოიყენებს; და ბ) პერიოდები, რომლებსაც მოიცავს იჯარის ვადამდე შეწყვეტის არჩევანის უფლება, თუ საკმარისად სარწმუნოა, რომ მოიჯარე ამ უფლებას არ გამოიყენებს.

3. არსებითი სააღრიცხვო პოლიტიკა (გაგრძელება)

ხელმძღვანელობა იყენებს მსჯელობას იჯარის ვადის დადგენისას. იმის შესაფასებლად, საკმარისად სარწმუნოა თუ არა, რომ მოიჯარე გამოიყენებს იჯარის გაგრძელების უფლებას, ან არ გამოიყენებს იჯარის ვადამდე შეწყვეტის უფლებას, კომპანია განიხილავს ყველა სათანადო ფაქტს და გარემოებას, რომელიც მოიჯარეს ეკონომიკურ სტიმულს უქმნის, გამოიყენოს იჯარის გაგრძელების უფლება, ან არ გამოიყენოს იჯარის ვადამდე შეწყვეტის უფლება.

კომპანია ხელახლა აფასებს, საკმარისად სარწმუნოა თუ არა, რომ ის გამოიყენებს იჯარის გაგრძელების არჩევანის უფლებას, ან არ გამოიყენებს იჯარის ვადამდე შეწყვეტის უფლებას, იმ შემთხვევაში, თუ მოხდება რაიმე მნიშვნელობაანი მოვლენა, ან მნიშვნელოვნად შეიცვლება გარემოებები, რომლებიც: ა) მოიჯარის კონტროლს ექვემდებარება; და ბ) გავლენას ახდენს იმის შეფასებაზე, საკმარისად სარწმუნოა თუ არა, რომ მოიჯარე გამოიყენებს უფლებას, რომელიც ადრე გათვალისწინებული არ ჰქონდა იჯარის ვადის დადგენისას, ან არ გამოიყენებს ისეთ უფლებას, რომელიც ადრე გათვალისწინებული ჰქონდა იჯარის ვადის განსაზღვრისას.

ზღვრული სასესხო განაკვეთი

ზღვრული სასესხო განაკვეთი არის, საპროცენტო განაკვეთი, რომლის გადახდაც მსგავს ეკონომიკურ გარემოში მოუწევდა მოიჯარეს აქტივის გამოყენების უფლების ღირებულების მსგავსი ღირებულების აქტივის მოსაპოვებლად საჭირო სესხით სარგებლობისთვის, რომელსაც მსგავსი ვადა და უზრუნველყოფა ექნებოდა.

ხელმძღვანელობა იყენებს მსჯელობას ზღვრული სასესხო განაკვეთის დადგენისთვის. დაკვირვებადი მონაცემების გამოყენებით განისაზღვრება ძირითადი განაკვეთი, რომელიც კორექტირდება მოიჯარისთვის დამახასიათებელი სპეციფიკური ფაქტორებით და უზრუნველყოფის (იჯარის ობიექტის) მახასიათებლებით.

საიჯარო გადახდების განსაზღვრა

საქართველოში ხშირად იჯარის ხელშეკრულება არ მოიცავს ჩანაწერს (ან მოიცავს არასრულს ჩანაწერს) იჯარის განახლების/ გაგრძელების შესახებ. ზემოთხსენებული უფლების არსებობა გამყარებულია მიღებული საქმიანი პრაქტიკის შესაბამისად. კომპანია ამგვარ მიღებულ საქმიან პრაქტიკას განიხილავს ხელშეკრულების შემადგენელ ნაწილად. ასეთი შემთხვევებისთვის, საიჯარო ვალდებულების განსაზღვრისას შეფასებული საიჯარო გადახდები არის უცვლელი მთელი საიჯარო ვადის განმავლობაში განახლებადი პერიოდის ჩათვლით.

მოკლევადიანი იჯარა და გრძელვადიანი იჯარა, რომლის საიჯარო აქტივს დაბალი ღირებულება აქვს

კომპანიამ გადაწყვიტა მოკლევადიან იჯარასთან და დაბალი ღირებულების მქონე საიჯარო აქტივის იჯარასთან მიმართებაში გამოიყენოს გათავისუფლება. ამ იჯარასთან დაკავშირებული საიჯარო გადახდები აღირიცხება ხარჯის სახით იჯარის ვადის განმავლობაში, წრფივი მეთოდით. სხვა სისტემატური საფუძველი იმ შემთხვევაში გამოიყენება, თუ ეს საფუძველი უფრო ადეკვატურად ასახავს მოიჯარის მიერ სარგებლის მიღების სტრუქტურას/მოდელს.

დამფუძნებელთან განხორციელებული ოპერაციები

კომპანიას დამფუძნებელთან განხორციელებული აქვს ოპერაციები, რომლებიც არ ეფუძნება საბაზრო პირობებს ან კომერციულ მოტივაციას, მაგალითად: არასაბაზრო პირობებით სესხების მიღება, მიღებული სესხების ვადაზე ადრე დაფარვა. ამ ოპერაციების ეკონომიკური არსი მიუთითებს, რომ ისინი არ გამომდინარეობს დამოუკიდებელ, მესამე პირებთან არსებული საბაზრო ურთიერთობებიდან. ამგვარ შემთხვევებში, როდესაც ოპერაცია არ წარმოადგენს კომპანიისთვის ჩვეულებრივ კომერციულ გარიგებას, მისგან წარმოშობილი ეფექტი აღიარდება პირდაპირ კაპიტალში, როგორც მფლობელის გადაწყვეტილებით განხორციელებული ოპერაციის ეფექტი. ამ ტიპის ოპერაციებთან დაკავშირებით არ ხდება მოგება-ზარალის ანგარიშგებაში სარგებლის ან ზარალის აღიარება.

ამონაგები კლიენტებთან გაფორმებული ხელშეკრულებებიდან

შესასრულებელი ვალდებულება და შემოსავლის აღიარების დროულობა

კომპანია აღიარებს ამონაგებს დაპირებული საქონლის ან მომსახურების მომხმარებლებისთვის გადაცემისას, იმ ანაზღაურების ოდენობით, რომლის მიღების უფლებასაც კომპანია მოელის ამ საქონლის გადაცემის სანაცვლოდ. კომპანია იყენებს ხუთ საფეხურიან მოდელს მომხმარებელთან გაფორმებული ყველა ხელშეკრულების მიმართ:

- მომხმარებელთან ხელშეკრულების იდენტიფიცირება;
- სახელშეკრულებო ვალდებულებების დადგენა;
- გარიგების ფასის განსაზღვრა;
- გარიგების ფასის მიკუთვნება სახელშეკრულებო ვალდებულებასთან;
- შემოსავლის აღიარება, როდესაც (ან თუ) პირი სახელშეკრულებო ვალდებულებას შესრულებს.

3. არსებითი სააღრიცხვო პოლიტიკა (გაგრძელება)

კომპანია შემოსავალს აღიარებს სახელშეკრულებო ვალდებულების შესრულებისას, ანუ მაშინ, როდესაც შესაბამის ვალდებულებასთან დაკავშირებულ საქონელზე “კონტროლი” მომხმარებელს გადაეცემა.

სახელშეკრულებო ღირებულების განსაზღვრა

კომპანიის შემოსავლის ძირითადი საკონტრაქტო ღირებულება არის ფიქსირებული და შესაბამისად, თითოეული კონტრაქტიდან მისაღები შემოსავლის განსაზღვრა ხდება მოცემული ფიქსირებული ფასების მიხედვით.

შესასრულებელ ვალდებულებებს შორის ღირებულების გადანაწილება

კომპანიის შემოსავლის ძირითად ნაწილს წარმოადგენს მომხმარებლებისათვის ლოტოს და მომენტალური გათამაშების ბილეთების მიწოდება. დეტალური სააღრიცხვო პოლიტიკა შემოსავლის მაფორმირებელი ძირითადი საქმიანობისთვის წარმოდგენილია ქვემოთ.

ფასები თითოეული პროდუქტის მიხედვით ფიქსირებულია და არ მოიცავს რეალიზებულ საქონელზე სარეალიზაციო ფასის გადანაწილებისას შეფასების ელემენტს. როდესაც მომხმარებელი ახდენს ერთზე მეტი სახეობის საქონლის შესყიდვას, კომპანიას შეუძლია მარტივად მოახდინოს სარეალიზაციო ფასების მკვეთრი გამოიჯვნა კონტრაქტის ფარგლებში პროდუქციის ცალკე აღებული სარეალიზაციო ფასების მიხედვით.

გამოყენებული გათავისუფლება

კომპანიამ გამოიყენა ქვემოთ მოცემული გათავისუფლება:

- არ განიხილავს დაფინანსების მნიშვნელოვან კომპონენტს, როდესაც აქტივზე მომხმარებლისთვის კონტროლის გადაცემის თარიღსა და მიღებული ანაზღაურების თარიღებს შორის სხვაობა არის ერთ წელზე ნაკლები; და
- ხელშეკრულების გაფორმების დამატებითი დანახარჯები ხარჯებში აღიარდება მათი გაწევისას, თუ აქტივის ამორტიზაციის პერიოდის ხანგრძლივობა ერთ წელს არ აღემატება.

შემოსავალი აღიარდება სხვადასხვა ტიპის საქონლის რეალიზაციიდან:

შემოსავალი ლოტოდან - შემოსავალი ლოტოს (ტირაჟიანი თამაშების) ბილეთების რეალიზაციიდან, რომელიც იყიდება სახელშეკრულებო ლატარიის აგენტების, საკუთარი სადისტრიბუციო არხის და ონლაინ ვებგვერდის www.Lotto.ge-ს მეშვეობით აღიარდება გათამაშების გამართვის მომენტში. თითოეული თამაშის ბილეთის ფასი ფიქსირებულია და დადგენილია თამაშის რეგლამენტით.

წლის ბოლომდე გაყიდული ლოტოს ბილეთების ღირებულება, იმ გათამაშებებისათვის, რომელიც გაიმართება ანგარიშგების თარიღის შემდგომ, აღრიცხულია, როგორც გადავადებული შემოსავალი.

შემოსავალი მომენტალური თამაშებიდან - შემოსავალი მომენტალური თამაშებიდან, რომლებიც იყიდება ლატარიის აგენტების და საკუთარი სადისტრიბუციო არხის მეშვეობით, აღიარებულია იმ მომენტში, როდესაც ბილეთზე კანონიერი მფლობელობა გამყიდველიდან საბოლოო მომხმარებელს გადაეცემა. თითოეული თამაშის ბილეთის ფასი ფიქსირებულია და დადგენილია თამაშის რეგლამენტით.

საპრიზო ფონდის ხარჯები

ლოტოს საპრიზო ფონდის ხარჯები - ლოტოს (ტირაჟიანი თამაშები) საპრიზო ფონდის ხარჯები აღრიცხულია, როგორც ბილეთების გაყიდვის პროცენტი, ყოველ გათამაშებისთვის, გათამაშების მომენტში.

მსგავსი გათამაშებების საპრიზო ფონდის ვალდებულებები აღრიცხულია, როგორც არამოთხოვნილი საპრიზო ფონდი და ფინანსური მდგომარეობის ანგარიშგებაში ასახულია სავაჭრო და სხვა ვალდებულებების ნაწილში, როგორც ტირაჟიანი გათამაშებების საპრიზო ფონდი.

მომენტალური გათამაშებების საპრიზო ფონდის ხარჯები - პრიზები მომენტალური თამაშებისათვის აღრიცხულია ყოველ თამაშზე მოგების სახით გაცემული თანხით და დაკორექტირებულია ყოველი საანგარიშო პერიოდის ბოლოს თეორიული საპრიზო ხარჯის შესაბამისად, ამონაგების აღიარების პარალელურად. ყოველწლიური ფაქტიური ხარჯი განსხვავებული იქნება თეორიული შეფასებისგან გათამაშების საციცოცხლო ციკლიდან გამომდინარე. გათამაშების მანძილზე, რეალური საპრიზო ხარჯი მიუახლოვდება თეორიულ შეფასებას და ნებისმიერი სხვაობა აღიარდება გათამაშების საბოლოო აღრიცხვაში.

3. არსებითი სააღრიცხვო პოლიტიკა (გაგრძელება)

ხარჯების აღიარება

მოგება—ზარალის ანგარიშგებაში ხარჯები აღიარდება თუ ის იწვევს მომავალი ეკონომიკური სარგებლის შემცირებას, რომელიც დაკავშირებულია აქტივების შემცირებასთან ან ვალდებულების ზრდასთან და შესაძლებელია მისი საიმედოდ შეფასება.

სერვისის გაწევის დროს გაწეული ხარჯები აღიარდება შესაბამისი სარგებლის აღიარების პროპორციულად.

ხარჯები სრული შემოსავლის ანგარიშგებაში აღიარდება დაუყოვნებლივ, თუ აღარ მოიტანს მომავალ ეკონომიკურ სარგებელს, ან თუ ეკონომიკური სარგებელი არ აკმაყოფილებს ან შეწყვეტა დაკმაყოფილება აქტივის აღიარების მოთხოვნისა ფინანსური მდგომარეობის ანგარიშგებაში.

მოსაკრებელი და საკომისიო

გაყიდვების აგენტების საკომისიო - ეფუძნება ლოტოსა და მომენტალური გათამაშების ბილეთების რეალიზაციიდან მიღებულ შემოსავალს და მისი გამომუშავება ხდება თითოეული აგენტის მიერ, მათთან შეთანხმებული ინდივიდუალური პირობების შესაბამისად.

ლატარიის მოსაკრებელი - ეფუძნება ლოტოსა და მომენტალური გათამაშების ბილეთების რეალიზაციიდან მიღებულ შემოსავალს და გადასახდელია საქართველოს ფინანსთა სამინისტროსთვის. ლატარიის მოსაკრებელი რეგულირდება 2017 წლის 24 ივლისის ფინანსთა სამინისტროსთან გაფორმებული სალიცენზიო ხელშეკრულებით.

როიალტის მოსაკრებელი - ეფუძნება ლოტოსა და მომენტალური გათამაშების ბილეთების რეალიზაციიდან მიღებულ შემოსავალს და გადახდილი უნდა იყოს ლატარიის საბილინგო სისტემის მომწოდებლისთვის.

თანამშრომელთა სარგებელი

ხელფასები, ბონუსები და თანამშრომლებისთვის გაცემული სხვა არა-ფულადი სარგებელი აღიარდება იმ საანგარიშგებო პერიოდში, როდესაც ხდება თანამშრომელთა მიერ კომპანიისთვის მომსახურების გაწევა.

ანარიცხები, პირობითი ვალდებულებები და პირობითი აქტივები

პირობითი ვალდებულებები არ აისახება ფინანსურ ანგარიშგებაში, გარდა იმ შემთხვევისა, როდესაც მოსალოდნელია ეკონომიკური სარგებლის გასვლა კომპანიიდან, და შესაძლებელია ამ ვალდებულების საიმედოდ შეფასება. პირობითი ვალდებულებების შესახებ ინფორმაცია მოცემულია ფინანსური ანგარიშგების განმარტებით შენიშვნებში, გარდა ისეთი პირობითი ვალდებულებებისა, რომლებთან დაკავშირებული ეკონომიკური სარგებლის გასვლა კომპანიიდან არ არის მოსალოდნელი.

ფინანსურ ანგარიშგებაში არ აისახება პირობითი აქტივები. მაგრამ ისეთი ფინანსური აქტივების შესახებ ინფორმაცია, რომლებთან დაკავშირებული ეკონომიკური სარგებლის შემოსვლა კომპანიაში შესაძლებელია, აისახება განმარტებით შენიშვნებში. იმ შემთხვევაში, თუ კომპანიას აქვს რწმუნება, რომ ეკონომიკური სარგებელი შემოვა კომპანიაში, მაშინ მასთან დაკავშირებული აქტივი და შემოსავალი აისახება იმ პერიოდის ფინანსურ ანგარიშგებაში, როდესაც ადგილი ქონდა შეფასების ცვლილებას.

ანარიცხი წარმოადგენს ვალდებულებას, რომელიც დაკავშირებულია რაოდენობრივ და დროით განუსაზღვრელობებთან. ვალდებულება წარმოადგენს კომპანიის მიმდინარე ვალდებულებას, რომელიც წარმოიშვა წარსული მოვლენის შედეგად, და რომლის დაფარვა გამოიწვევს კომპანიიდან ეკონომიკური სარგებლის გასვლას. მავალდებულებელი მოვლენა არის მოვლენა, რომელიც წარმოშობს სამართლებრივ ან კონსტრუქციულ ვალდებულებას, რაც გულისხმობს, რომ კომპანიას არ გააჩნია სხვა რეალური ალტერნატივა, და მან უნდა დაფაროს თავისი ვალდებულებები. სამართლებრივი ვალდებულება გამომდინარეობს:

- (ა) გარიგებიდან (ხელშეკრულებაში დაფიქსირებული ან ნაგულისხმევი პირობების გათვალისწინებით);
- (ბ) კანონმდებლობიდან; ან
- (გ) სხვა სამართლებრივი ქმედებიდან.

კონსტრუქციული ვალდებულება გამომდინარეობს კომპანიის ქმედებიდან, სადაც:

- (ა) წარსულში დადგენილი პრაქტიკიდან, კომპანიის მიერ გამოქვეყნებული პოლიტიკიდან ან სპეციფიკური მიმდინარე ანგარიშგებიდან გამომდინარე, კომპანია მიაჩნის სხვა მხარეებს, რომ იგი იღებს გარკვეულ პასუხისმგებლობებს; და
- (ბ) შედეგად, მესამე მხარეს კომპანიასთან მიმართებაში გააჩნია გარკვეული მოლოდინი, რომ იგი შეასრულებს ამ პასუხისმგებლობებს.

3. არსებითი სააღრიცხვო პოლიტიკა (გაგრძელება)

როდესაც არსებობს იმის ალბათობა, რომ კომპანიიდან მოხდება ეკონომიკური სარგებლის გასვლა მიმდინარე მოვალეობასთან დაკავშირებით, რომელიც წარსული მოვლენების შედეგად წარმოიშვა, და რომლის საიმედოდ შეფასებაც შესაძლებელია, ფინანსურ ანგარიშგებაში აღიარდება ანარიცხი. თუმცა, თუ ეკონომიკური სარგებლის გასვლა დამოკიდებულია მომავალში მოსახდენ მოვლენაზე ან არ არის შესაძლებელი მისი საიმედოდ შეფასება, ფინანსურ ანგარიშგებაში კეთდება განმარტებითი შენიშვნა პირობითი ვალდებულების სახით.

საანგარიშგებო პერიოდის შემდგომი მოვლენები

საანგარიშგებო პერიოდის შემდგომი მოვლენები და ფინანსური ანგარიშგების ავტორიზაციის თარიღამდე მომხდარი მოვლენები, რომლებიც დამატებით ინფორმაციას იძლევა კომპანიის ფინანსური პოზიციის შესახებ, აისახება ფინანსურ ანგარიშგებაში. საანგარიშგებო პერიოდის შემდგომი მოვლენები, რომლებიც გავლენას არ ახდენს ორგანიზაციის ფინანსურ მდგომარეობაზე ბალანსის შედგენის თარიღისთვის, მაგრამ არსებითი მნიშვნელობისაა, აისახება ფინანსური ანგარიშგების თანდართულ შენიშვნებში.

4. ძირითადი სააღრიცხვო შეფასებები და გადაწყვეტილებები

კომპანია ახდენს გარკვეული სააღრიცხვო შეფასებებისა და გადაწყვეტილებების შემუშავებას მომავალი პერიოდებისათვის. შეფასებებისა და გადაწყვეტილებების გადახედვა ხდება მუდმივად, გამოცდილებასა და სხვა ფაქტორებზე დაყრდნობით, რომელიც ითვალისწინებს მომავალ პერიოდში მოსალოდნელ მოვლენებსაც. მომავალ პერიოდებში მიღებული გამოცდილება შესაძლოა განსხვავებული იყოს ამ შეფასებებისა და დაშვებებისგან. ქვემოთ მოყვანილია ის შეფასებები და დაშვებები, რომლებიც მომდევნო ფინანსურ წელში აქტივებისა და ვალდებულებების საბალანსო ღირებულებებში არსებითი ცვლილებების რისკის მატარებელია.

ა) დაკავშირებულ მხარეებთან ოპერაციები და ფინანსური ინსტრუმენტების საწყისი აღიარება

კომპანია საანგარიშგებო პერიოდში ახორციელებს ტრანზაქციებს დაკავშირებულ მხარეებთან, მათ შორის იღებს და ფარავს დაკავშირებული მხარეებისგან სესხებს, რომლებიც ზოგიერთ შემთხვევაში განხორციელებულია არასაბაზრო პირობებით. აღნიშნული ოპერაციების აღრიცხვა მოითხოვს მნიშვნელოვან პროფესიულ განსჯასა და სააღრიცხვო შეფასებებს.

ფინანსური ინსტრუმენტები საწყისად აღიარებულია მათი სამართლიანი ღირებულებით, როგორც ამას მოითხოვს IFRS 9. იმ შემთხვევებში, როდესაც სესხები მიღებულია არასაბაზრო საპროცენტო განაკვეთებით და არ არსებობს აქტიური ბაზარი ანალოგიური ოპერაციებისთვის, კომპანიის ხელმძღვანელობა განსაზღვრავს საბაზრო საპროცენტო განაკვეთს შესაბამისი შეფასებითი ტექნიკების გამოყენებით. აღნიშნული მოიცავს ეფექტური საპროცენტო განაკვეთის განსაზღვრას, ბაზარზე არსებული დაკვირვებადი მონაცემების ანალიზს და არადაკავშირებულ მხარეებთან განხორციელებული ანალოგიური ტრანზაქციების ფასწარმოქმნის შედარებას.

დაკავშირებული მხარეებისგან არასაბაზრო პირობებით მიღებული სესხების შემთხვევაში, მათი სამართლიანი ღირებულება განისაზღვრება დისკონტირებული ფულადი ნაკადების მეთოდით. ნომინალურ და სამართლიან ღირებულებებს შორის სხვაობა შეფასდება ოპერაციის ეკონომიკური შინაარსის გათვალისწინებით და აისახება კაპიტალში, როგორც დაკავშირებულ მხარესთან განხორციელებული ტრანზაქცია.

ბ) მომენტალური გათამაშების საპრიზო ფონდის ანარიცხები

კომპანია საპრიზო ფონდის ანარიცხებს აღიარებს იმ მომენტში, როდესაც აღიარებს შესაბამის შემოსავალს. პრიზები მომენტალური თამაშებისათვის აღრიცხულია თითოეული თამაშის ჭრილში მოგების სახით გაცემული თანხით და დაკორექტირებულია ყოველი საანგარიშო პერიოდის ბოლოს თეორიული საპრიზო ხარჯის შესაბამისად, ამონაგების აღიარების პარალელურად.

შეფასების პროცესის თანდაყოლილი განუსაზღვრელობიდან და გათამაშების საციცოცხლო ციკლიდან გამომდინარე, ყოველწლიური ფაქტიური ხარჯი განსხვავებული იქნება თეორიული შეფასებისგან. გათამაშების მანძილზე, რეალური საპრიზო ხარჯი მიუახლოვდება თეორიულ შეფასებას და ნებისმიერი სხვაობა აღიარდება გათამაშების საბოლოო აღრიცხვაში.

2025 და 2024 წლების 31 დეკემბერს დასრულებული პერიოდისთვის მომენტალური ლატარიის ე.წ. გადასაფხვკი ბილეთების თეორიული საპრიზო ხარჯი გაანგარიშდება თამაშის რეგლამენტით, ტირაჟის ჯამური ღირებულებისთვის, დადგენილი საპრიზო ფონდის შესაბამისად, ბილეთების რეალიზაციიდან მიღებული აკუმულირებული შემოსავლის (თამაშის დაწყების დღიდან) პროპორციული ოდენობით.

4. ძირითადი სააღრიცხვო შეფასებები და გადაწყვეტილებები (გაგრძელება)

გასაცემი საპრიზო ფონდის ვალდებულებებზე ანარიცხები შექმნილია კომპანიის სააღრიცხვო პოლიტიკის შესაბამისად და განკუთვნილია მოგებაზედრილი ბილეთების რეალიზაციის შედეგად წარმოქმნილი საპრიზო ფონდის ხარჯებისთვის. როგორც წესი, მომხმარებლებს მოგებაზედრილი ბილეთის განაღდება შეუძლიათ ნებისმიერ დროს თამაშის შეწყვეტამდე, შეწყვეტის შემთხვევაში - კომპანიის მიერ განცხადების გამოქვეყნებიდან 60 დღის ვადაში.

გ) იჯარის ვადების განსაზღვრა იმ ხელშეკრულებებისთვის, სადაც კომპანია წარმოადგენს მოიჯარეს

იჯარის ვადის დაწყების თარიღისთვის საწარმო აფასებს, საკმარისად სარწმუნოა თუ არა, რომ იგი გამოიყენებს იჯარის გაგრძელების, ან საიჯარო აქტივის შესყიდვის არჩევანის უფლებას, ან არ გამოიყენებს იჯარის ვადამდე შეწყვეტის არჩევანის უფლებას. საწარმო ითვალისწინებს ყველა სათანადო ფაქტსა და გარემოებას, რომელიც ეკონომიკურ სტიმულს უქმნის მოიჯარეს იმისთვის, რომ გამოიყენოს ან არ გამოიყენოს ეს უფლება, მათ შორის იჯარის ვადის დაწყების თარიღიდან ამ არჩევანის უფლების გამოყენების თარიღამდე პერიოდში ფაქტებისა და გარემოებების მოსალოდნელ ცვლილებებს.

ამასთან დაკავშირებით გასათვალისწინებელ ფაქტორებს, სხვასთან ერთად, განეკუთვნება:

ა) არჩევით პერიოდებთან დაკავშირებული სახელშეკრულებო პირობები, საბაზრო განაკვეთებთან შედარებით, როგორიცაა:

- (i) საიჯარო გადახდების ოდენობა ნებისმიერ არჩევით პერიოდში;
- (ii) ცვლადი საიჯარო გადახდების ან სხვა პირობითი გადახდების სიდიდე;
- (iii) ნებისმიერი არჩევანის უფლებების პირობები, რომლებიც გამოყენებას ექვემდებარება თავდაპირველი არჩევითი პერიოდების შემდეგ.

ბ) საიჯარო ქონების მნიშვნელოვანი გაუმჯობესება, რომელიც განხორციელდა (ან მოსალოდნელია, რომ განხორციელდება) ხელშეკრულების ვადის განმავლობაში და მოსალოდნელია, რომ მნიშვნელოვან ეკონომიკურ სარგებელს მოუტანს მოიჯარეს, როდესაც შესაძლებელი იქნება იჯარის გაგრძელების ან ვადამდე შეწყვეტის, ან საიჯარო აქტივის შესყიდვის არჩევანის უფლების რეალიზება;

გ) იჯარის ვადამდე შეწყვეტასთან დაკავშირებული დანახარჯები, როგორიცაა მოლაპარაკებების წარმოების დანახარჯები, აქტივის გადაადგილების დანახარჯები, სხვა საიჯარო აქტივის იდენტიფიკაციასთან დაკავშირებული დანახარჯები, რომელიც მოიჯარის საჭიროებების შესაფერისია, მოიჯარის ოპერაციებში ახალი აქტივის ინტეგრირების დანახარჯები, ან იჯარის ვადამდე შეწყვეტისთვის განკუთვნილი ჯარიმები და სხვა ანალოგიური დანახარჯები, მათ შორის, რომლებიც დაკავშირებულია საიჯარო აქტივისთვის ხელშეკრულებით გათვალისწინებული მდგომარეობის, ან საიჯარო აქტივის ხელშეკრულებით გათვალისწინებულ ადგილზე დაბრუნებასთან;

დ) საიჯარო აქტივის მნიშვნელობა მოიჯარის საქმიანობისთვის, მათ შორის, შემდეგი ასპექტების გათვალისწინება: საიჯარო აქტივი სპეციალიზებული აქტივია თუ არა, საიჯარო აქტივის ადგილმდებარეობა და შესაფერისი ალტერნატიული ვარიანტების არსებობა; და

ე) არჩევანის უფლების გამოყენებასთან დაკავშირებული პირობითობა (ე.ი. როდესაც არჩევანის უფლების გამოყენება მხოლოდ იმ შემთხვევაშია შესაძლებელი, თუ ერთი ან რამდენიმე პირობა დაკმაყოფილებულია) და ამ პირობების მატერიალიზების ალბათობა.

დეტალები იჯარის ვადების შესახებ, იმ ხელშეკრულებებისთვის, სადაც კომპანია წარმოადგენს მოიჯარეს, იხილეთ მე-12 შენიშვნაში.

დ) ზღვრული საპროცენტო განაკვეთის განსაზღვრა იმ ხელშეკრულებებისთვის, სადაც კომპანია წარმოადგენს მოიჯარეს

ხელმძღვანელობა იყენებს მსჯელობას ზღვრული სასესხო განაკვეთის დადგენისთვის. დაკვირვებადი მონაცემების გამოყენებით განისაზღვრება ძირითადი განაკვეთი, რომელიც კორექტირდება მოიჯარისთვის დამახასიათებელი სპეციფიკური ფაქტორებით და უზრუნველყოფის (იჯარის ობიექტის) მახასიათებლებით. კომპანიამ გამოიყენა ერთი და იგივე დისკონტირების განაკვეთი მეტ-ნაკლებად ანალოგიური მახასიათებლების მქონე საიჯარო ხელშეკრულებების პორტფელთან მიმართებაში;

დეტალები ზღვრული სასესხო განაკვეთის შესახებ, იმ ხელშეკრულებებისთვის, სადაც კომპანია წარმოადგენს მოიჯარეს, იხილეთ მე-12 შენიშვნაში.

4. ძირითადი სააღრიცხვო შეფასებები და გადაწყვეტილებები (გაგრძელება)**ე) ფინანსური აქტივების გაუფასურება**

კომპანია აფასებს ფინანსური აქტივებიდან ფულადი ნაკადების გადაუხდელობის ალბათობას. შემდეგ მოცემული ალბათობა მრავლდება მოსალოდნელ დანაკარგებზე, რომელიც გამოწვეულია ხელშეკრულების შეუსრულებლობის რისკით, რათა განისაზღვროს ფინანსური აქტივების მოსალოდნელი გაუფასურების დანაკარგი. მომავალ პერიოდთან დაკავშირებული განუსაზღვრელობებიდან გამომდინარე ფაქტიური შედეგი შესაძლებელია მნიშვნელოვნად განსხვავდებოდეს იმ შედეგისგან, რომელიც აღრიცხულია ფინანსურ ანგარიშგებაში.

5. ფინანსური ინსტრუმენტები - რისკების მართვა

კომპანიის ოპერაციებისთვის დამახასიათებელი ძირითადი რისკებია:

- საკრედიტო რისკი
- საბაზრო რისკი
 - საპროცენტო რისკი
 - უცხოური ვალუტის რისკი
- ლიკვიდურობის რისკი

ეს განმარტებითი შენიშვნა აღწერს კომპანიის მიზნებს, პოლიტიკებსა და პროცედურებს რისკების მართვისათვის და რისკების შეფასების მეთოდებს. ამ რისკებთან დაკავშირებული დამატებითი რაოდენობრივი ინფორმაცია წარმოდგენილია ფინანსურ ანგარიშგებაში.

ზოგადი მიზნები, პოლიტიკა და პროცესები

კომპანიის ხელმძღვანელობას გააჩნია საერთო პასუხისმგებლობა კომპანიის რისკების მართვის მიზნებისა და პოლიტიკის განსაზღვრისთვის, ამასთანავე, პასუხისმგებლობის შენარჩუნებასთან ერთად, მიზნებისა და პროცესების ეფექტურად დანერგვისთვის მას დელეგირებული აქვს პროცესების შემუშავებისა და ოპერირების უფლება კომპანიის ფინანსური მხარისთვის.

კომპანიის ხელმძღვანელობა ღებულობს ყოველთვიურ ანგარიშგებას კომპანიის ფინანსური მხარისგან, მიმოიხილავს თავიანთი დასახული მიზნებისა და პოლიტიკის შესრულებისათვის განხორციელებული პროცესების ეფექტურობას.

კომპანიის ხელმძღვანელობის მთავარი მიზანია არის დაიცვას კომპანია რისკის მიუღებელი დონისაგან და საშუალება მისცეს მას მიაღწიოს საქმიანობის მიზანს. აღნიშნულ პოლიტიკასთან დაკავშირებული დამატებითი ინფორმაცია მოცემულია ქვემოთ.

ფინანსური ინსტრუმენტების ძირითადი კატეგორიები

კომპანიის ფინანსური ინსტრუმენტების მთავარი მიზანია კომპანიის ფინანსური უზრუნველყოფა. ფინანსური ინსტრუმენტების ძირითადი კატეგორიები წარმოდგენილია შემდეგნაირად:

ფინანსური აქტივები

სავაჭრო და სხვა მოთხოვნები

ფული და ფულის ეკვივალენტები

31.12.2025**31.12.2024**

1,060

8,213

692

99

1,752**8,312****ფინანსური ვალდებულებები**

მიღებული სესხები

სავაჭრო და სხვა ვალდებულებები

საიჯარო ვალდებულებები

31.12.2025**31.12.2024**

24,035

29,506

10,100

10,098

1,371

1,552

35,506**41,156**

5. ფინანსური ინსტრუმენტები - რისკების მართვა (გაგრძელება)**ფასს 13 რეალური ღირებულების შეფასების იერარქია**

ფასს 13 მოითხოვს განმარტებით შენიშვნებს რეალური ღირებულებით შეფასებული ფინანსური აქტივების და ვალდებულებებისთვის იმ დამკვეთების შესახებ, რაც გამოყენებულ იქნა რეალური ღირებულების განსაზღვრისას. რეალური ღირებულების იერარქია მოიცავს შემდეგ დონეებს:

1. იდენტური აქტივების და ვალდებულებების კოტირებული ფასი (დაუკორექტირებელი) აქტიურ ბაზარზე (1-ლი დონე);
2. პირველ დონეში შემავალი კოტირებული ფასისგან განსხვავებული სხვა ინფორმაცია, რომელიც არის დაკვირვებადი პირდაპირ ან არაპირდაპირ (მე-2 დონე); და
3. ინფორმაცია, რომელიც არ არის დაკვირვებადი აქტიურ ბაზარზე (მე-3 დონე).

რეალური ღირებულების იერარქია განისაზღვრება ყველაზე დაბალი დონის შესაბამისად, რომელიც არსებით გავლენას ახდენს რეალური ღირებულების განსაზღვრაზე.

კომპანიას არ გააჩნია რეალური ღირებულებით შეფასებული ფინანსური აქტივები და ვალდებულებები, შესაბამისად, ისინი არაა წარმოდგენილი ფასს 13-ის მიხედვით რეალური ღირებულების იერარქიულად შეფასების პრინციპით.

კომპანიის ხელმძღვანელობის შეფასებით ფინანსურ ანგარიშგებაში ასახული ფინანსური აქტივებისა და ვალდებულებების საბალანსო ღირებულებები არ განსხვავდება მათი რეალური ღირებულებებისგან.

ფულისა და ფულის ეკვივალენტების რეალური ღირებულება განსაზღვრულია 1-ლი დონის, ხოლო დანარჩენი ფინანსური აქტივების და ვალდებულებების რეალური ღირებულებები მე-3 დონის მიხედვით.

საკრედიტო რისკი

საკრედიტო რისკი არის ფულადი ზარალის მიღების რისკი დებიტორის ან სხვა კონტრაქტის მიერ დავალიანების არდაფარვის შემთხვევაში. კომპანიის საფრთხეს საკრედიტო რისკთან დაკავშირებით განაპირობებს თითოეული მომხმარებლის ინდივიდუალური მახასიათებლები. კომპანიის საკრედიტო რისკი, ძირითადად განპირობებულია სავაჭრო მოთხოვნებიდან, ფული და ფულის ეკვივალენტებიდან (გარდა ნაღდი ფულისა).

კომპანია საკრედიტო რისკს მართავს გარკვეული პრინციპების საფუძველზე, რომლებიც ითვალისწინებს ცალკეული კონტრაქტის კრედიტუნარიანობის საფუძვლიან ანალიზს, კონტრაქტის დიდალი დავალიანების თავიდან აცილებას, ყველა დაუფარავი საკრედიტო თანხის დაფარვის მკაცრ კონტროლს და პრობლემური ფინანსური აქტივების ინტენსიურ მართვას.

საკრედიტო რისკის მონიტორინგის მიზნით, კომპანია მომხმარებლებს აერთიანებს მათი ვადაგადაცილების სტატუსის მიხედვით. საკრედიტო რისკის სამართავად კომპანია განიხილავს შემდეგ ფაქტორებს: მომხმარებელი იურიდიული პირია თუ ფიზიკური, მომხმარებლების გეოგრაფიულ განაწილებას და წარსულში ფინანსური სიძნეელების არსებობას. ფინანსური აქტივების საბალანსო ღირებულება წარმოადგენს მაქსიმალურ საკრედიტო რისკს.

საკრედიტო რისკის მაქსიმალური ოდენობა წარმოდგენილია შემდეგნაირად:

ფინანსური აქტივები

სავაჭრო და სხვა მოთხოვნები

ფული და ფულის ეკვივალენტები

31.12.2025	31.12.2024
1,060	8,213
591	61
1,651	8,274

კომპანია ხელმძღვანელობს „მოსალოდნელი საკრედიტო დანაკარგების“ (ECL) მოდელით. ეს საჭიროებს მსჯელობას იმის შესახებ თუ როგორ იმოქმედებს ეკონომიკური ფაქტორები ECL მოდელზე, რაც განისაზღვრება შეწონილი ალბათობის საფუძველზე. ფასს 9-ის მიხედვით, ზარალის ანარიცხის განსაზღვრა ხდება შემდეგნაირად: ა) 12-თვიანი მოსალოდნელი საკრედიტო ზარალი - ისეთი მოსალოდნელი საკრედიტო ზარალი, რომელიც გამოწვეულია იმ დეფოლტის მოვლენებისგან ფინანსურ ინსტრუმენტზე, რომელთა მოხდენაც შესაძლებელია შემდგომი 12 თვის განმავლობაში. ბ) არსებობის მანძილზე მოსალოდნელი საკრედიტო ზარალი - ისეთი მოსალოდნელი საკრედიტო ზარალი, რომელიც გამოწვეულია ყველა შესაძლო დეფოლტის მოვლენისგან, რომელთა მოხდენაც შესაძლებელია ფინანსური ინსტრუმენტის მოსალოდნელი არსებობის მანძილზე.

5. ფინანსური ინსტრუმენტები - რისკების მართვა (გაგრძელება)

კომპანია გამოავლენს გარკვეულ ძირითად ეკონომიკურ ცვლადებს, რომლებიც კორელაციაშია საკრედიტო რისკსა და ECL-თან. საპროგნოზო ეკონომიკური ცვლადები („საბაზისო ეკონომიკური სცენარი“) მიიღება კომპანიისგან და წარმოადგენს მოსალოდნელი მაკროეკონომიკური მდგომარეობის საუკეთესო შეფასებას. კომპანია შეფასების პროცესში იყენებს ისეთ მაკროეკონომიკურ ფაქტორებს, როგორიცაა: მთლიანი შიდა პროდუქტი, ინფლაცია და სხვა.

არსებობის მანძილზე მოსალოდნელი საკრედიტო ზარალის შეფასების მოდელი მოქმედებს მაშინ, როდესაც ფინანსური აქტივის საკრედიტო რისკი ანგარიშგების პერიოდისათვის მნიშვნელოვნად გაზრდილია მის თავდაპირველ აღიარებასთან შედარებით, ხოლო თუ არ არის გაზრდილი 12-თვიანი მოსალოდნელი საკრედიტო ზარალი. კომპანიას შეუძლია განსაზღვროს რომ ფინანსური აქტივის საკრედიტო რისკი არ გაზრდილა მნიშვნელოვნად, იმ შემთხვევაში თუ აქტივს აქვს დაბალი საკრედიტო რისკი ანგარიშგების წარდგენის პერიოდისათვის. თუმცა, არსებობის მანძილზე მოსალოდნელი საკრედიტო ზარალის მოქმედება ყოველთვის ვრცელდება სავაჭრო და სხვა მოთხოვნებზე. დეტალები სავაჭრო და სხვა მოთხოვნების გაუფასურების შესახებ იხილეთ მე-15 შენიშვნაში. მომავალ პერიოდთან დაკავშირებული განუსაზღვრელობებიდან გამომდინარე ფაქტიური შედეგი შესაძლებელია მნიშვნელოვნად განსხვავდებოდეს იმ შედეგისგან, რომელიც აღრიცხულია ფინანსურ ანგარიშგებაში.

საბაზრო რისკი

საბაზრო რისკი არის ფინანსური ინსტრუმენტების რეალური ღირებულების ცვლილების რისკი, საბაზრო პირობების ცვლილების შედეგად. კომპანიის საბაზრო რისკი წარმოიშობა პროცენტის მატარებელი, სავაჭრო და უცხოურ ვალუტაში გამოხატული ფინანსური ინსტრუმენტების გამოყენების შედეგად.

მოცემული რისკი მდგომარეობს ფინანსური ინსტრუმენტების რეალური ღირებულების ან მათთან დაკავშირებული მომავალი ფულადი შემოსავლების ცვლილებაში საპროცენტო განაკვეთების (საპროცენტო რისკი) და ვალუტის კურსის (სავალუტო რისკი) ცვლილებების შედეგად.

- საპროცენტო რისკი**

საპროცენტო განაკვეთის რისკი წარმოიშობა საბაზრო საპროცენტო განაკვეთების პოტენციური ცვლილების გამო, რომელმაც შესაძლოა უარყოფითი გავლენა იქონიოს კომპანიის ფინანსური აქტივებისა და ვალდებულებების რეალურ ღირებულებებზე ან მომავალ ფულად ნაკადებზე.

კომპანია 2025 და 2024 წლების 31 დეკემბრის მდგომარეობით არ დგას საპროცენტო რისკის წინაშე, რადგანაც კომპანიას არ გააჩნია ცვლადი საპროცენტო განაკვეთის მქონე მიღებული სესხები.

- სავალუტო რისკი**

სავალუტო რისკი არის უცხოური ვალუტის ცვლილების შედეგად ფინანსური ინსტრუმენტის ღირებულების ცვლილების რისკი. სავალუტო რისკის წინაშე შეიძლება იდგეს კომპანიის ფინანსური მდგომარეობა და ფულადი სახსრების მოძრაობა.

კომპანიას გააჩნია უცხოურ ვალუტაში განხორციელებული გარკვეული ოპერაციები. კომპანია არ იყენებს დერივატივებს სავალუტო რისკის მართვისთვის. უცხოურ ვალუტაში არსებული ფინანსური აქტივებისა და ვალდებულებების საბალანსო ღირებულება წარმოდგენილია შემდეგნაირად:

	ლარი	აშშ დოლარი	ევრო	31.12.2025
ფინანსური აქტივები				
სავაჭრო და სხვა მოთხოვნები	1,060	-	-	1,060
ფული და ფულის ეკვივალენტები	688	-	4	692
	1,748	-	4	1,752
ფინანსური ვალდებულებები				
მიღებული სესხები	9,328	9,741	4,966	24,035
სავაჭრო და სხვა ვალდებულებები	10,100	-	-	10,100
საიჯარო ვალდებულებები	227	823	321	1,371
	19,655	10,564	5,287	35,506
ღია სავალუტო პოზიცია	(17,907)	(10,564)	(5,283)	

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

5. ფინანსური ინსტრუმენტები - რისკების მართვა (გაგრძელება)

	ლარი	აშშ დოლარი	ევრო	31.12.2024
ფინანსური აქტივები				
სავაჭრო და სხვა მოთხოვნები	8,213	-	-	8,213
ფული და ფულის ეკვივალენტები	99	-	-	99
	8,312	-	-	8,312
ფინანსური ვალდებულებები				
მიღებული სესხები	1,098	23,977	4,431	29,506
სავაჭრო და სხვა ვალდებულებები	10,098	-	-	10,098
საიჯარო ვალდებულებები	439	1,113	-	1,552
	11,635	25,090	4,431	41,126
ღია სავალუტო პოზიცია	(3,323)	(25,090)	(4,431)	

სავალუტო რისკის მგრძნობელობის ანალიზი

მოცემული ცხრილი წარმოადგენს კომპანიის მგრძნობელობას შესაბამისი უცხოური ვალუტების ლართან მიმართებაში 20%-ით გაზრდაზე და შემცირებაზე. 20% არის მგრძნობიარობის განაკვეთი, რომელიც გამოიყენება კომპანიის ხელმძღვანელობის მიერ სავალუტო რისკის შიდა კონტროლისთვის და წარმოადგენს სავალუტო კურსის სხვაობის შეფასებას კომპანიის მენეჯმენტის მიერ. მგრძნობელობის ანალიზი მოიცავს მხოლოდ უცხოურ ვალუტაში გამოხატულ დაუფარავ ფულად მუხლებს და აკორექტირებს მათ გადაფასებას პერიოდის ბოლოს სავალუტო კურსების გონივრულობის ფარგლებში მოსალოდნელი ცვლილების მიხედვით.

გავლენა წმინდა მოგებაზე აქტივების ღირებულების მიხედვით წარმოდგენილია შემდეგნაირად:

	აშშ დოლარის გავლენა		ევროს გავლენა	
	ლარი/აშშ დოლარი 20%	ლარი/აშშ დოლარი -20%	ლარი/ევრო 20%	ლარი/ევრო -20%
31.12.2025				
მოგება/(ზარალი)	(2,113)	2,113	(1,057)	1,057
31.12.2024				
მოგება/(ზარალი)	(5,018)	5,018	(886)	886

ლიკვიდურობის რისკი

ლიკვიდურობის რისკი წარმოიქმნება კომპანიის მიერ თავისი საბრუნავი კაპიტალისა და ძირითადი ვალდებულებების დაფარვის მართვასთან დაკავშირებით. რისკი მდგომარეობს იმაში, რომ კომპანია შეიძლება წააწყდეს სირთულეებს ვალდებულებების დაფარვისას მათი გადახდის ვადის დადგომის პერიოდში. კომპანია ახდენს ამ ტიპის რისკების კონტროლს ვადიანობის ანალიზის მიხედვით და განსაზღვრავს კომპანიის სტრატეგიას მომავალი ფინანსური პერიოდისთვის.

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

5. ფინანსური ინსტრუმენტები - რისკების მართვა (გაგრძელება)

ლიკვიდურობის რისკის მართვის მიზნით, კომპანია ახდენს მომავალი ფულადი ნაკადების რეგულარულ მონიტორინგს, რომელიც ვალდებულებების მენეჯმენტის პროცესია. ფინანსური ვალდებულებების ლიკვიდურობის რისკის ანალიზი წარმოდგენილია შემდეგნაირად:

	1 წლამდე	1-დან 5 წლამდე	5 წელზე მეტი	31.12.2025
ფინანსური ვალდებულებები				
მიღებული სესხები	9,008	16,939	-	25,947
სავაჭრო და სხვა ვალდებულებები	10,100	-	-	10,100
საიჯარო ვალდებულებები	929	559	-	1,488
	20,037	17,498	-	37,535
აკუმულირებული ლიკვიდურობის სხვაობა	(18,285)	(17,498)	-	

	1 წლამდე	1-დან 5 წლამდე	5 წელზე მეტი	31.12.2024
ფინანსური ვალდებულებები				
მიღებული სესხები	12,883	20,304	-	33,187
სავაჭრო და სხვა ვალდებულებები	10,098	-	-	10,098
საიჯარო ვალდებულებები	671	1,118	-	1,789
	23,652	21,422	-	45,074
აკუმულირებული ლიკვიდურობის სხვაობა	(15,340)	(21,422)	-	

ინფორმაცია კაპიტალის შესახებ

კაპიტალის მართვისას კომპანია მიზნად ისახავს:

- უზრუნველყოს ფუნქციონირებადი საწარმოს შენარჩუნების უნარი, ისე რომ არ შეწყვიტოს მეწილეებისთვის სარგებლის მოტანა;
- კაპიტალთან დაკავშირებით, საქართველოს ფინანსთა სამინისტროს მიერ დადგენილი მოთხოვნების და მომხმარებლების წინაშე ნაკისრი ვალდებულებების დაკმაყოფილება; და
- გამოიმუშაოს მეწილეებისთვის სარგებელი რისკის დონის თანაბარზომიერად მომსახურების შეფასებით.

კომპანია განსაზღვრავს კაპიტალის სიდიდეს რისკის პროპორციულად. კომპანია მართავს კაპიტალის სტრუქტურას ეკონომიკური მდგომარეობის ცვლილებებისა და ძირითადი აქტივებისათვის მახასიათებელი რისკების გათვალისწინებით. კომპანიის აქტივების, ვალდებულებებისა და კაპიტალის სტრუქტურის მიხედვით წარმოდგენილი გადახდისუნარიანობის კოეფიციენტი წარმოდგენილია შემდეგნაირად:

ინფორმაცია კაპიტალის შესახებ

გადახდისუნარიანობის კოეფიციენტი

	31.12.2025	31.12.2024
მიღებული სესხები	24,035	29,506
საიჯარო ვალდებულებები	1,371	1,552
მინუს: ფული და ფულის ეკვივალენტები (გარდა ნაღდი ფულისა)	(591)	(61)
წმინდა ვალდებულებები	24,815	30,997

სულ საკუთარი კაპიტალი

	(32,772)	(29,594)
--	----------	----------

სულ დაკორექტირებული კაპიტალი

	(32,772)	(29,594)
--	-----------------	-----------------

გადახდისუნარიანობის კოეფიციენტი (%)	(132%)	(95%)
-------------------------------------	--------	-------

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

6. თამაშებიდან მიღებული მთლიანი შემოსავალი

	2025	2024
შემოსავალი მომენტალური გათამაშებებიდან	33,601	34,369
შემოსავალი ლოტოდან	6,815	6,691
	40,416	41,060
	2025	2024
მომენტალური გათამაშებების საპრიზო ფონდის ხარჯი	(20,777)	(20,402)
ლოტოს საპრიზო ფონდის ხარჯი	(3,519)	(3,400)
	(24,296)	(23,802)
	16,120	17,258

კომპანია შემოსავალს იღებს და შესასრულებელი ვალდებულება წარმოექმნება საქონლისა და მომსახურების გაცემიდან გარკვეული დროის პერიოდში და დროის გარკვეულ მომენტში. შესაბამისად, თამაშებიდან მიღებული შემოსავალი აღიარების პერიოდის მიხედვით წარმოდგენილია შემდეგნაირად:

	2025	2024
დროის გარკვეულ მომენტში	33,601	34,369
გარკვეული დროის პერიოდში	6,815	6,691
	40,416	41,060

7. მოსაკრებელი და საკომისიო ხარჯები

	2025	2024
გაყიდვების აგენტების საკომისიო ხარჯი	(1,808)	(2,669)
ლატარიის მოსაკრებელი	(1,662)	(1,740)
საოპერაციო სისტემის მომსახურების საკომისიო და მომსახურების სხვა ხარჯები	(494)	(502)
	(3,964)	(4,911)

8. სარეკლამო და მარკეტინგის ხარჯები

	2025	2024
გარე რეკლამის ხარჯი	(535)	(613)
სატელევიზიო რეკლამის ხარჯი	(282)	(315)
მარკეტინგული აქტივობების დაგეგმვის ხარჯი	(257)	-
ინტერნეტ რეკლამის ხარჯი	(16)	(19)
სხვა მარკეტინგული ხარჯები	(167)	(118)
	(1,257)	(1,065)

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

9. სხვა ხარჯები

	2025	2024
ბილეთების განთავსების ხარჯი	(2,328)	(2,006)
ბილეთების ბეჭდვის ხარჯი	(1,040)	(1,280)
ჯარიმა ლატარიის გადასახადიდან	(428)	(360)
სოციალურ ხარჯებთან დაკავშირებული ხარჯი	(404)	(410)
საინფორმაციო, საკონსულტაციო და სხვა პროფესიული მომსახურების ხარჯები	(277)	(210)
სატელეკომუნიკაციო ხარჯი	(219)	(226)
ტრანსპორტის ხარჯი	(174)	(182)
რემონტისა და შენახვის ხარჯი	(119)	(65)
ბანკის საკომისიო ხარჯი	(92)	(78)
სხვა	(434)	(322)
	(5,515)	(5,139)

10. ფინანსური ხარჯი, წმინდა

	2025	2024
ფინანსური ხარჯი		
მიღებულ სესხებზე დარიცხული საპროცენტო ხარჯი	(2,422)	(2,220)
საიჯარო ვალდებულებებზე დარიცხული საპროცენტო ხარჯი	(129)	(159)
მოგება/(ზარალი) ვალუტის კურსის ცვლილებიდან, წმინდა	589	(969)
სულ ფინანსური ხარჯი, წმინდა	(1,962)	(3,348)

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

11. ძირითადი საშუალებები

ისტორიული ღირებულება	კომპიუტერული და სხვა ტექნიკური აღჭურვილობა	იჯარით აღებული ქონების კეთილმოწყობა	სხვა	სულ
31.12.2023	1,743	169	460	2,372
შემოსვლა	40	-	63	103
გასვლა	(266)	-	-	(266)
31.12.2024	1,517	169	523	2,209
შემოსვლა	47	2	77	126
გასვლა	-	-	-	-
31.12.2025	1,564	171	600	2,335
დაგროვილი ცვეთა				
31.12.2023	(1,342)	(125)	(322)	(1,789)
ცვეთა	(134)	(24)	(65)	(223)
გასვლა	230	-	-	230
31.12.2024	(1,246)	(149)	(387)	(1,782)
ცვეთა	(124)	(13)	(83)	(220)
გასვლა	-	-	-	-
31.12.2025	(1,370)	(162)	(470)	(2,002)
საბალანსო ღირებულება				
31.12.2024	271	20	136	427
31.12.2025	194	9	130	333

ფინანსთა სამინისტროსთან გაფორმებული ხელშეკრულების პირობების დარღვევის შედეგად (დეტალურად იხილეთ 21-ე შენიშვნა), კომპანიის ქონება სრულად არის დაგირავებული საგადასახადო გირავნობით 2025 და 2024 წლების 31 დეკემბრის მდგომარეობით.

12. აქტივების გამოყენების უფლება და საიჯარო ვალდებულებები

კომპანიას იჯარით აღებული აქვს ფართები ლატარიის სარეალიზაციო კუთხეების მოსაწყობად და ასევე, ადმინისტრაციული ოფისისთვის. ყველა აქტივის საიჯარო გადასახდელი არის ფიქსირებული. საიჯარო გადასახდელები წარმოდგენილია როგორც ლარში, ისე აშშ დოლარსა და ევროში. ზღვრული სასესხო განაკვეთი ლატარიის სარეალიზაციო კუთხეების მოსაწყობად და ადმინისტრაციული ოფისისთვის საჭირო ფართების შემთხვევაში მერყეობს 6.52% -14.52% განაკვეთების ფარგლებში.

ხელშეკრულების განახლების უფლება გამყარებულია მიღებული საქმიანი პრაქტიკით. ხელმძღვანელობა გონივრულად ვარაუდობს ლატარიის სარეალიზაციო კუთხეების მოსაწყობად აღებული საიჯარო ფართების შესაბამისი საიჯარო ხელშეკრულებებით განსაზღვრული საიჯარო ვადების გაგრძელების უფლების გამოყენებას ლატარიის ორგანიზების და ჩატარების სალიცენზიო პერიოდის დასრულებამდე (2027 წლის 24 ივლისამდე).

იჯარების ხელშეკრულება განსაზღვრავს ფიქსირებულ საიჯარო გადასახდელს არაგაუქმებადი პერიოდისთვის, რამდენადაც გაგრძელების უფლება გამყარებულია მიღებული საქმიანი პრაქტიკის შესაბამისად, კომპანია ამგვარი საიჯარო პერიოდისთვის იყენებს არაგაუქმებადი პერიოდისთვის განსაზღვრულ ფიქსირებულ გადასახდელებს.

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

12. აქტივების გამოყენების უფლება და საიჯარო ვალდებულებები (გაგრძელება)

აქტივების გამოყენების უფლების მოძრაობა წარმოდგენილია შემდეგნაირად:

	2025	2024
1 იანვარი	1,315	1,916
შემოსვლა	571	129
შეფასების ცვლილება	45	(24)
ცვეთა	(586)	(555)
გასვლა	(139)	(151)
31 დეკემბერი	1,206	1,315

საიჯარო ვალდებულებებში განხორციელებული ფულადი და არაფულადი ცვლილებები, რომლებიც მიღებულია ფინანსური აქტივობების შედეგად, შესაძლოა წარმოდგენილი იქნეს შემდეგნაირად:

	2025	2024
1 იანვარი	1,552	2,114
შემოსვლა	571	129
შეფასების ცვლილება	45	(24)
საპროცენტო ხარჯი	129	159
საიჯარო გადასახდელი	(846)	(826)
გადასახდელი დღგ	110	117
(მოგება)/ზარალი საკუროსო სხვაობიდან, წმინდა	(39)	61
გასვლა	(151)	(178)
31 დეკემბერი	1,371	1,552

ხარისხობრივი ინფორმაცია საიჯარო ვალდებულებების შესახებ წარმოდგენილია მე-5 შენიშვნაში.

13. არამატერიალური აქტივები

კომპანიის საკუთრებაში არსებული არამატერიალური აქტივების მნიშვნელოვან ნაწილს წარმოადგენს ლიცენზია, რომელიც მიღებულია 2017 წლის 24 ივლისს შპს „ჯი ენ ელსა“ და საქართველოს ფინანსთა სამინისტროს შორის ლატარიის ორგანიზებისა და ჩატარების ექსკლუზიური უფლების მინიჭების თაობაზე გაფორმებული ხელშეკრულების საფუძველზე. აღნიშნული ხელშეკრულების საფუძველზე, შპს „ჯი ენ ელს“ მიენიჭა ექსკლუზიური უფლება და დაინიშნა ექსკლუზიურ ორგანიზატორად, რომ მან საქართველოს ტერიტორიაზე ჩატაროს და ორგანიზება გაუწიოს ლატარიის თამაშებს 10 წლის ვადით.

2025 წლის 31 დეკემბერს ლატარიის ჩატარების ლიცენზიის საბალანსო ღირებულება წარმოდგენილია 1,931 ათასი ლარით (2024 წლის 31 დეკემბერს: 3,150 ათასი ლარი), ხოლო დაგროვილი ამორტიზაცია - 10,267 ათასი ლარით (2024 წლის 31 დეკემბრის მდგომარეობით: 9,047 ათასი ლარი). 2025 და 2024 წლებში ლიცენზიაზე დარიცხულმა ამორტიზაციის ხარჯმა შეადგინა 1,220 ათასი ლარი.

14. მარაგები

	31.12.2025	31.12.2024
ლატარიის ბილეთები	1,498	1,141
სხვა მარაგი	60	100
	1,558	1,241

15. სავაჭრო და სხვა მოთხოვნები

	31.12.2025	31.12.2024
ფინანსური მოთხოვნები:		
სავაჭრო მოთხოვნები	1,894	8,437
გაუფასურების რეზერვი	(834)	(224)
არაფინანსური მოთხოვნები:		
გაცემული ავანსები	171	181
	1,231	8,394

ფინანსური აქტივების ხარისხობრივი ინფორმაცია წარმოდგენილია მე-5 შენიშვნაში.

კომპანიას ჰყავს მრავალი მომხმარებელი, ამიტომ არ ხასიათდება კონცენტრირებული საკრედიტო რისკით.

კომპანიის ხელმძღვანელობა ახდენს მოთხოვნების საკრედიტო რისკის ანალიზს, რომელიც პერიოდულად გადაიხედება. კომპანია ფინანსური აქტივების გაუფასურების მეთოდოლოგიისთვის იყენებს ფასს 9-ის გამარტივებულ მეთოდს, რათა განსაზღვროს მოთხოვნების არსებობის მანძილზე მოსალოდნელი გაუფასურების დანაკარგი. იმისათვის, რათა განისაზღვროს მოსალოდნელი გაუფასურების დანაკარგი ჯგუფურად, მოთხოვნები დაჯგუფდა მსგავსი საკრედიტო რისკისა და ხანდაზმულობის მიხედვით. მოთხოვნებს აქვს მსგავსი რისკიანობის მახასიათებელი.

კომპანია აკეთებს სპეციფიკურ ანალიზს თითოეული მოთხოვნის დაფარვიანობაზე, მოთხოვნის ხანდაზმულობის, მომხმარებლის ფინანსური მდგომარეობის, დაფარვიანობის ისტორიის და სხვა ცნობილი ინფორმაციის მიხედვით. ამ ინფორმაციის ანალიზის შედეგად, კომპანია ქმნის ანარიცხებს სავაჭრო და სხვა მოთხოვნებისთვის. კომპანია იყენებს მოსალოდნელ მომავალ ინფორმაციას შექმნილი ანარიცხების შემდგომ შეფასებასთან დაკავშირებით.

კომპანიის მოთხოვნები წარმოადგენს მოკლევადიან მოთხოვნებს 2025 და 2024 წლების 31 დეკემბრის მდგომარეობით. ახალი მომხმარებლის მიღების წინ კომპანია აფასებს პოტენციური მომხმარებლის საკრედიტო შესაძლებლობებს.

2025 წლის 31 დეკემბრის მდგომარეობით ფინანსური მოთხოვნების ხარისხობრივი ინფორმაცია ვადაგადაცილების მიხედვით წარმოდგენილია შემდეგნაირად:

სავაჭრო და სხვა მოთხოვნები	საბალანსო ღირებულება	გაუფასურების პროცენტი	გაუფასურების ანარიცხი
ჯგუფურად შეფასებული გაუფასურებაზე:			
მიმდინარე	1	1%	-
0-დან 30 დღემდე	9	5%	-
31-დან 90 დღემდე	-	10%	-
91-დან 180 დღემდე	1	30%	-
181-დან 365 დღემდე	19	50%	(10)
365 დღეზე მეტი	32	100%	(32)
სულ ჯგუფურად გაუფასურებული	62		(42)
გაუფასურებისთვის სპეციფიკურად განხილული მოთხოვნები			
სპეციფიკურად შეფასებული გაუფასურებაზე	1,832		(792)
სულ ფინანსური აქტივები	1,894		(834)

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

15. სავაჭრო და სხვა მოთხოვნები (გაგრძელება)

2024 წლის 31 დეკემბრის მდგომარეობით ფინანსური მოთხოვნების ხარისხობრივი ინფორმაცია ვადაგადაცილების მიხედვით წარმოდგენილია შემდეგნაირად:

სავაჭრო და სხვა მოთხოვნები	საბალანსო ღირებულება	გაუფასურების პროცენტი	გაუფასურების ანარიცხი
ჯგუფურად შეფასებული გაუფასურებაზე:			
მიმდინარე	697	1%	(7)
0-დან 30 დღემდე	221	5%	(11)
31-დან 90 დღემდე	19	10%	(2)
91-დან 180 დღემდე	-	30%	-
181-დან 365 დღემდე	-	50%	-
365 დღეზე მეტი	-	100%	-
სულ ჯგუფურად გაუფასურებული	937		(20)

გაუფასურებისთვის სპეციფიკურად განხილული მოთხოვნები

სპეციფიკურად შეფასებული გაუფასურებაზე	7,500		(204)
სულ ფინანსური აქტივები	8,437		(224)

ცვლილებები სავაჭრო და სხვა მოთხოვნების გაუფასურების ანარიცხებში წარმოდგენილია შემდეგნაირად:

	2025	2024
1 იანვარი	224	224
დარიცხვა	630	-
შემცირება	(20)	-
31 დეკემბერი	834	224

16. ფული და ფულის ეკვივალენტები

	31.12.2025	31.12.2024
ფული მიმდინარე საბანკო ანგარიშებზე ეროვნულ ვალუტაში	587	61
ნაღდი ფული სალაროში	101	38
ფული მიმდინარე საბანკო ანგარიშებზე უცხოურ ვალუტაში	4	-
	692	99

ფულისა და ფულის ეკვივალენტების ხარისხობრივი ინფორმაცია მოცემულია მე-5 შენიშვნაში.

2025 წლის 31 დეკემბრის მდგომარეობით არსებული ფულისა და ფულის ეკვივალენტების ნაშთი მოიცავს საქართველოში არსებულ ლიცენზირებულ, კარგი რეპუტაციის მქონე კომერციულ ბანკში დამოუკიდებელ ანგარიშებზე განთავსებულ საპრიზო ფონდის თანხას 20 ათასი ლარის (2024 წლის 31 დეკემბერი: 22 ათასი) ოდენობით, როგორც ეს მოთხოვნილია ფინანსთა სამინისტროსთან გაფორმებული ხელშეკრულების ფარგლებში. კომპანიის მიერ შეზღუდულია აღნიშნული ანგარიშის (ანგარიშების) დატვირთვა რაიმე უზრუნველყოფით (შენიშვნა 21).

17. მიღებული სესხები

			მოკლევადიანი სესხები	
	დასრულების თარიღი	საპროცენტო განაკვეთი	31.12.2025	31.12.2024
ფინანსური ინსტიტუტებისგან მიღებული სესხები				
ლარი	20 ივლისი 2027	15%	3,106	-
ლარი	31 აგვისტო 2026	15%	2,003	-
ლარი	10 ივნისი 2026	13%	707	-
დაკავშირებული მხარეებისგან მიღებული სესხები*				
ევრო	30 ივლისი 2027	7%	-	4,431
აშშ დოლარი	30 ივლისი 2027	9%	-	8,017
			5,816	12,448
			გრძელვადიანი სესხები	
	დასრულების თარიღი	საპროცენტო განაკვეთი	31.12.2025	31.12.2024
დაკავშირებული მხარეებისგან მიღებული სესხები*				
ევრო	30 ივლისი 2027	7%	4,966	-
აშშ დოლარი	30 ივლისი 2027	9%	2,978	-
აშშ დოლარი	1 ივლისი 2027	9%	3,677	7,179
ლარი	30 ივლისი 2027	15.6%	293	855
სხვა ფიზიკური პირებისგან მიღებული სესხები**				
აშშ დოლარი	1 ივლისი 2027	9%	3,086	8,781
ლარი	15 დეკემბერი 2027	16%	27	243
ფინანსური ინსტიტუტებისგან მიღებული სესხები***				
ლარი	20 ივლისი 2027	15%	3,192	-
			18,219	17,058

(*) - დაკავშირებული მხარეებისგან მიღებული სესხები

2025 წლის განმავლობაში კომპანიამ დაფარა დაკავშირებული მხარეებისგან მიღებული სესხები 8,658 ათასი ლარის ოდენობით. ამავდროულად, დარჩენილი ვალდებულებების დაფარვის ვადები ხელშეკრულებების ცვლილების თანახმად გახანგრძლივდა და მათი დაფარვის საბოლოო ვადად განისაზღვრა 2027 წელი.

იმის გათვალისწინებით, რომ აღნიშნული სესხები მიღებულია არასაბაზრო პირობებით, კომპანიამ მათი საწყისი აღიარებისას განსაზღვრა სამართლიანი ღირებულება დისკონტირების მეთოდის გამოყენებით. სესხების მომავალი ფულადი ნაკადები (ძირი და დარიცხული პროცენტი) დადისკონტირდა ბაზარზე არსებული შედარებადი ფინანსური ინსტრუმენტების ფინანსური ინსტრუმენტებისთვის დამახასიათებელი საპროცენტო განაკვეთით, რომელიც ასახავს როგორც დროის ღირებულებას, ისე საკრედიტო რისკს. ნომინალურ თანხასა და დისკონტირებული სამართლიანი ღირებულებას შორის წარმოქმნილი სხვაობა აღიარებულია პირდაპირ კაპიტალში, როგორც დაკავშირებულ მხარესთან განხორციელებული ოპერაციის შედეგი.

(**) - სხვა ფიზიკური პირებისგან მიღებული სესხები

2025 წლის განმავლობაში კომპანიამ სრულად დაფარა მიღებული გრძელვადიანი სესხების ძირი 6,061 ათასი ლარის ოდენობით, ასევე დარიცხული საპროცენტო ვალდებულების ნაწილი - 48,523 ლარის ოდენობით. დარჩენილი სასესხო ვალდებულების სამართლიანი ღირებულება განისაზღვრა დისკონტირების მეთოდით. დისკონტირების შედეგად წარმოქმნილი ეფექტი აღიარებულია მოგება-ზარალის ანგარიშგებაში.

(***) - ფინანსური ინსტიტუტებისგან მიღებული სესხები

ფინანსური ინსტიტუტებისგან მიღებული სესხების ხელშეკრულებები ითვალისწინებს გარკვეულ ფინანსურ და არაფინანსურ შეზღუდვებს, რომლებიც კომპანიამ უნდა დააკმაყოფილოს. 2025 წლის 31 დეკემბრის მდგომარეობით კომპანია ვერ აკმაყოფილებდა მოთხოვნებს სრულად. დამატებითი ინფორმაცია მოცემულია 21-ე შენიშვნაში.

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

17. მიღებული სესხები (გაგრძელება)

მიღებული სესხების რეალური ღირებულება არ განსხვავდება მათი საბალანსო ღირებულებისგან. მიღებული სესხების ხარისხობრივი ინფორმაცია წარმოდგენილია მე-5 შენიშვნაში.

მიღებულ სესხებში განხორციელებული ფულადი და არაფულადი ცვლილებები, რომლებიც მიღებულია ფინანსური აქტივობების შედეგად, შესაძლოა წარმოდგენილი იქნეს შემდეგნაირად:

	2025	2024
საწყისი ნაშთი	29,506	26,540
ფულადი ნაკადები:	(6,225)	(162)
არა ფულადი ნაკადები:		
პროცენტის დარიცხვა და ამორტიზაცია	2,422	2,220
წმინდა ეფექტი სავალუტო ოპერაციებიდან	(550)	908
დაკავშირებული მხარისგან მიღებული სესხების რეალური ღირებულებით ასახვის ეფექტი	(1,118)	-
საბოლოო ნაშთი	24,035	29,506

18. სავაჭრო და სხვა ვალდებულებები

	31.12.2025	31.12.2024
ფინანსური ვალდებულებები		
სავაჭრო ვალდებულებები*	5,756	5,348
ტირაჟიანი გათამაშების საპრიზო ფონდი	4,256	4,680
პერსონალის მიმართ არსებული ვალდებულებები	88	70
არაფინანსური ვალდებულებები		
ანარიცხი სოციალურ ხარჯებთან დაკავშირებით**	2,204	1,955
საგადასახადო ვალდებულებები***	11	52
	12,315	12,105

სავაჭრო და სხვა ვალდებულებების ხარისხობრივი ინფორმაცია მოცემულია მე-5 შენიშვნაში.

(*) - 2025 წლის 31 დეკემბრის მდგომარეობით სავაჭრო ვალდებულებებში წარდგენილია ფინანსთა სამინისტროსთვის გადასახდელი საკომისიო გადასახადის ვალდებულება, რომლის ნაშთი შეადგენს 5,113 ათას ლარს (2024: 4,339 ათასი ლარი). აღნიშნული ვალდებულებიდან გადასახდელის ძირი შეადგენს 3,344 ათას ლარს (2024: 2,998 ათასი ლარი), ხოლო მასზე დარიცხული ჯარიმა - 1,769 ათას ლარს (2024: 1,341 ათასი ლარი).

(**) - ცვლილება სოციალურ ხარჯებთან დაკავშირებულ ანარიცხებში წარმოდგენილია შემდეგნაირად:

	2025	2024
1 იანვარი	1,955	1,627
გახარჯვა	(155)	(82)
დარიცხვა	404	410
31 დეკემბერი	2,204	1,955

სოციალურ ხარჯებთან დაკავშირებული ანარიცხების შესახებ დამატებითი ინფორმაცია იხილეთ 21-ე შენიშვნაში.

(***) - საქართველოს საგადასახადო კანონმდებლობის მიხედვით 2016 წლის პირველი იანვრიდან ყველა გადასახადის გადახდა უნდა მოხდეს გაერთიანებულ სახაზინო კოდექსით. შედეგად, 2025 წლის 31 დეკემბრის მდგომარეობით კომპანია წარადგენს საგადასახადო ვალდებულებისა და საგადასახადო აქტივის ურთიერთგადაფარვით მიღებულ საგადასახადო ვალდებულებას 11 ათასი ლარის ღირებულებით (2024: 52 ათასი ლარი).

შპს „ჯი ენ ელ“

ფინანსური ანგარიშგების შენიშვნები

საანგარიშგებო წლისთვის, რომელიც დასრულდა 2025 წლის 31 დეკემბერს

(ათას ლარში)

19. მომენტალური გათამაშების საპრიზო ფონდის ანარიცხები

	2025	2024
1 იანვარი	1,193	822
დარიცხვა	20,777	20,402
გახარჯვა	(19,896)	(20,031)
31 დეკემბერი	2,074	1,193

20. ოპერაციები დაკავშირებულ მხარეებთან

დაკავშირებული მხარეები და ოპერაციები დაკავშირებულ მხარეებთან ბასს 24 „დაკავშირებული მხარეთა განმარტებითი შენიშვნების“ მიხედვით, არის, როდესაც:

- მხარე პირდაპირ, ან ერთი ან მეტი შუალედური რგოლის საშუალებით, არაპირდაპირ: აკონტროლებს საწარმოს, კონტროლდება საწარმოს მიერ, ან იმყოფება საერთო კონტროლის ქვეშ (ეს მოიცავს სათავო და შვილობილ საწარმოებს); საწარმოში ისეთი წილის მფლობელია, რომ მნიშვნელოვანი გავლენის მოხდენა შეუძლია მასზე; და ერთობლივად აკონტროლებს საწარმოს;
- მხარე არის საწარმოს, ან მისი სათავო საწარმოს, უმაღლესი ხელმძღვანელობის წევრი;
- მხარე არის (ა) და (ბ) პუნქტებით გათვალისწინებული პიროვნებების ოჯახის წევრი;
- მხარე არის საწარმო, რომელსაც აკონტროლებს, ერთობლივად აკონტროლებს, ან მასზე მნიშვნელოვანი გავლენა აქვს (ბ) და (დ) პუნქტებში განსაზღვრულ რომელიმე პიროვნებას, ან, რომელშიც მნიშვნელოვანი ხმის უფლებით პირდაპირ ან არაპირდაპირ სარგებლობენ ეს პიროვნებები.

დაკავშირებულ მხარეებთან თითოეული შესაძლო კავშირის განხილვისას, ყურადღება უნდა გამახვილდეს ოპერაციის ეკონომიკურ შინაარსზე, და არა მის სამართლებრივ მხარეზე. კომპანიისა და მისი დაკავშირებული მხარეების არსებითი ურთიერთობის დეტალები მოცემულია ქვემოთ.

ფინანსური მდგომარეობის ანგარიშგებაში ასახული ოპერაციების შედეგები დაკავშირებულ მხარეებთან წარმოდგენილია შემდეგნაირად:

	31.12.2025	31.12.2024
მიღებული სესხები		
დამფუძნებელი	11,914	20,482

სრული შემოსავლის ანგარიშგებაში ასახული ოპერაციები დაკავშირებულ მხარეებთან წარმოდგენილია შემდეგნაირად:

	2025	2024
ფინანსური ხარჯი, წმინდა		
დამფუძნებელი	(1,613)	(2,081)
თანამშრომელთა ხელფასი და სხვა სარგებელი		
უმაღლეს ხელმძღვანელ პირთა მოკლევადიანი შრომის ანაზღაურების ხარჯი	(722)	(692)

2025 წლის განმავლობაში კომპანიამ დაფარა დაკავშირებული მხარეებისგან მიღებული სესხები 8,658 ათასი ლარის ოდენობით. ამავდროულად, დარჩენილი ვალდებულებების დაფარვის ვადები ხელშეკრულებების ცვლილების თანახმად გახანგრძლივდა და მათი დაფარვის საბოლოო ვადად განისაზღვრა 2027 წელი.

იმის გათვალისწინებით, რომ აღნიშნული სესხები მიღებულია არასაბაზრო პირობებით, კომპანიამ მათი საწყისი აღიარებისას განსაზღვრა სამართლიანი ღირებულება დისკონტირების მეთოდის გამოყენებით. ნომინალურ თანხასა და დისკონტირებული სამართლიანი ღირებულებას შორის წარმოქმნილი სხვაობა აღიარებულია პირდაპირ კაპიტალში 1,118 ათასი ლარის ოდენობით, როგორც დაკავშირებულ მხარესთან განხორციელებული ოპერაციის შედეგი.

2025 და 2024 წლების 31 დეკემბრის მდგომარეობით კომპანია წარმოადგენს შპს „სითისაითის“ თავდებს (სოლიდარული პასუხისმგებლობა) სს „თიბისი ბანკის“ მიმართ ნაკისრ სასესხო ვალდებულებებზე. თავდებობის მაქსიმალური თანხა შეადგენს 2,800 ათას აშშ დოლარს შპს „სითისაითის“ გარანტიის თავდებობისთვის.

21. პირობითი ვალდებულებები

იურიდიული საკითხები

2025 და 2024 წლების 31 დეკემბრის მდგომარეობით კომპანიას არ გააჩნია მნიშვნელოვანი სასამართლო დავები. ხელმძღვანელობას მიაჩნია, რომ არ მოხდება არანაირი მატერიალური დანაკარგის წარმოქმნა, შესაბამისად არანაირი ანარიცხი არ არის შექმნილი სასამართლო დავებთან დაკავშირებით.

გადასახადები

საქართველოს საგადასახადო კანონმდებლობაში შესაძლოა განხორციელდეს სხვადასხვა ინტერპრეტაციები და ცვლილებები. გარდა ამისა, ხელმძღვანელობის საგადასახადო ინტერპრეტაციები შეიძლება განსხვავდებოდეს საგადასახადო ორგანოების ინტერპრეტაციებისაგან, კომპანიის ოპერაციები შეიძლება გასაჩივრდეს საგადასახადო ორგანოების მიერ და კომპანიას დაეკისროს დამატებითი გადასახადები, საურავები, პროცენტები. კომპანიას მიაჩნია რომ ყველა გადასახადი გადახდილი აქვს და შესაბამისად, არანაირი ანარიცხი არ წარადგინა ფინანსურ ანგარიშგებაში. საგადასახადო ორგანოებს შეუძლიათ მიმოიხილონ კომპანიის ოპერაციები 3 წლის განმავლობაში.

საგადასახადო ვალდებულებებთან დაკავშირებული ანარიცხები აღიარდება მაშინ, როდესაც თანხის გაზომვა საიმედოდ არის შესაძლებელი. სავარაუდო ვალდებულებაზე ანარიცხი არ აღიარდება, სანამ არ მოხდება შესაბამისი შეფასება. კომპანიის ხელმძღვანელობას მიაჩნია, რომ საქართველოს საგადასახადო კანონმდებლობიდან გამომდინარე, ადგილი არ ექნება რაიმე სახის დამატებითი ვალდებულების დარიცხვას, გარდა იმისა, რაც კომპანიას თვითონ აქვს აღრიცხული შესაბამის პერიოდებში.

საოპერაციო გარემო

კომპანიის ძირითადი საოპერაციო გარემო საქართველოს ფარგლებშია. საქართველოს ბაზარზე პოზიციონირება წარმოშობს დამატებით ეკონომიკურ, პოლიტიკურ, სოციალურ, სამართლებრივ და საკანონმდებლო რისკებს უფრო განვითარებულ ბაზართან შედარებით. კანონები და რეგულაციები, საგადასახადო და მარეგულირებელი ჩარჩოები ზეგავლენას ახდენს საქართველოში ბიზნესის სწრაფ განვითარებაზე. საქართველოს მომავალ ეკონომიკურ კურსზე ზემოქმედებას ახდენს მთავრობის მიერ მიღებული ფისკალური და მონეტარული პოლიტიკა, საკანონმდებლო, მარეგულირებელ და პოლიტიკურ გარემოსთან ერთად.

ამის შედეგად, საქართველოში წარმოებული ოპერაციები შესაძლოა დადგეს გარკვეული რისკების ქვეშ, რომლებიც, როგორც წესი, არ არის დამახასიათებელი განვითარებული ბაზრისთვის. მიუხედავად ამისა, ბოლო წლების განმავლობაში საქართველოს მთავრობამ გაატარა რიგი სამოქალაქო, საგადასახადო, სამართლებრივი, ადმინისტრაციული და კომერციული რეფორმები, რომლებმაც დადებითი გავლენა იქონიეს ქვეყნის საერთო

საინვესტიციო გარემოზე. დღეს, საქართველოს გააჩნია ხელსაყრელი საინვესტიციო გარემოს მქონე ქვეყნის რეპუტაცია. სტაბილური ეკონომიკური განვითარება, ლიბერალური და თავისუფალი ბაზრის მომხრე ეკონომიკური პოლიტიკა, გადასახადების შეზღუდული რაოდენობა და შემცირებული საგადასახადო ტარიფები, მნიშვნელოვნად გამარტივებული ადმინისტრაციული პროცედურები, პრეფერენციული სავაჭრო რეჟიმი უცხოურ ქვეყნებთან, მომგებიანი გეოგრაფიული მდგომარეობა, კარგად განვითარებული, ინტეგრირებული და მულტი მოდელური სატრანსპორტო ინფრასტრუქტურა, განათლებული, გამოცდილი და კონკურენტუნარიანი სამუშაო ძალა მყარი ნიადაგია საქართველოში წარმატებული ბიზნესისათვის.

საქართველოს ფინანსთა სამინისტროს რეგულაციები

საქართველოს ფინანსთა სამინისტროსგან მიღებული ლატარიის ჩატარების ექსკლუზიურ უფლებასთან დაკავშირებით კომპანია ვალდებულია დააკმაყოფილოს სხვადასხვა ფინანსური და არაფინანსური მოთხოვნები, მათ შორის:

უზრუნველყოფაში ჩადებული აქტივები - ხელშეკრულების ვადის განმავლობაში ორგანიზატორი ვალდებულია საპრიზო ფონდის თანხები განათავსოს სპეციალურ ანგარიშზე (ანგარიშებზე), რომელიც დამოუკიდებელი იქნება სხვა ანგარიშებისგან, საქართველოში არსებულ ლიცენზირებულ, კარგი რეპუტაციის მქონე კომერციულ ბანკში და არ განახორციელოს აღნიშნული ანგარიშის (ანგარიშების) დატვირთვა რაიმე უზრუნველყოფით.

ხელშეკრულების ვადის გასვლამდე 6 (ექვსი) თვით ადრე, ორგანიზატორი ვალდებულია სამინისტროს დასადასტურებლად წარუდგინოს გეგმა გაუთამამებელი საპრიზო ფონდის გათამამების შესახებ. ხელშეკრულების ვადამდე შეწყვეტის საპრიზო ფონდის გათამამების შესახებ და მოსთხოვოს ორგანიზატორს ამ გეგმის განხორციელება ან მოსთხოვოს ორგანიზატორს იმ საბანკო ანგარიშთან (ანგარიშებთან) დაკავშირებული ყველა უფლების სამინისტროსთვის გადაცემა, რომელზეც განთავსებულია გაუთამამებელი საპრიზო ფონდი.

21. პირობითი ვალდებულებები (გაგრძელება)

სამინისტროს წინასწარი წერილობითი თანხმობის გარეშე, ორგანიზატორს (შპს „ჯი ენ ელ“) არ აქვს უფლება გახდეს ცალკეული გარიგების ან გარიგებების ერთობლიობათა მონაწილე (დაკავშირებულია თუ არა) და ნებაყოფლობით გაყიდოს, იჯარით გასცეს, გადასცეს ან სხვაგვარად განკარგოს ლატარიის ღონისძიებების განსახორციელებლად გამოყენებული/გამოსაყენებელი აქტივები, გარდა იმ შემთხვევისა, როცა ასეთი გარიგების ან გარიგებათა ერთობლიობის ღირებულება არ აღემატება 500 ათას ლარს.

გარანტიები - ხელშეკრულების ძალაში შესვლის თარიღიდან 21 (ოცდაერთი) სამუშაო დღის ვადაში, ორგანიზატორმა სამინისტროს უნდა მიაწოდოს უპირობო და გამოუთხოვადი საბანკო გარანტია 2,800 ათასი აშშ დოლარის (ორი მილიონ რვაასი ათასი ამერიკული დოლარი) ოდენობით („საგარანტიო თანხა“), რომელიც ძალაში უნდა დარჩეს ხელშეკრულების ვადის დასრულებიდან არანაკლებ 4 (ოთხი) თვის განმავლობაში („საბანკო გარანტია“).

კომპანიამ საქართველოს ფინანსთა სამინისტროსთვის ვალდებულებების საგარანტიოდ სს „თიბისი ბანკიდან“ აიღო უპირობო და შეუქცევადი საბანკო გარანტია (#3817539-9127229), 2,800 ათასი აშშ დოლარის ოდენობით. გარანტია ბანკის მიერ გაცემულია შპს „სითისაითზე“, ხოლო მასზე გადასახდელი პროცენტი იფარება შპს „ჯი ენ ელის“ მიერ. შპს „სითისაითის“ გარანტიის თავდება სრული თანხის ოდენობით წარმოადგენს შპს „ჯი ენ ელი“. 2025 და 2024 წლის 31 დეკემბრის მდგომარეობით კომპანიას არ აქვს თავდებობასთან დაკავშირებით რაიმე სახის ანარიცხი აღიარებული, რადგან თვლის, რომ კომპანიას არ წარმოექმნება ამასთან დაკავშირებით რაიმე მატერიალური დანაკარგი.

თუ სახელშეკრულებო ვადის განმავლობაში ნებისმიერ დროს საბანკო გარანტიის თანხა შემცირდება საგარანტიო თანხასთან მიმართებაში, ორგანიზატორმა საბანკო გარანტიის თანხის შემცირებიდან 5 (ხუთი) სამუშაო დღის ვადაში, იმ შემთხვევაში, თუ შემცირებული თანხა საგარანტიო თანხის 50%-ზე ნაკლებია, ან 10 (ათი) სამუშაო დღის ვადაში, იმ შემთხვევაში, თუ შემცირებული თანხა საგარანტიო თანხის 50%-ზე მეტია, უნდა შეავსოს საბანკო გარანტიის თანხა ან წარადგინოს ახალი საბანკო გარანტია საქართველოში ლიცენზირებული და კარგი რეპუტაციის მქონე კომერციული ბანკისგან, რომელიც მისაღებია სამინისტროსთვის („დამატებითი საბანკო გარანტია“ და საბანკო გარანტიასთან ერთად „ორგანიზატორის უზრუნველყოფა“), რათა უზრუნველყოს, რომ ხელშეკრულების ვადის განმავლობაში ნებისმიერ დროს ორგანიზატორის უზრუნველყოფა ჯამურად არ იყოს საგარანტიო თანხაზე ნაკლები.

ლატარიის მოსაკრებელი (გადასახდელი) - ლატარიის მოსაკრებელი ეფუძნება ლოტოსა და მომენტალური გათამაშების ბილეთების რეალიზაციიდან მიღებულ შემოსავალს და გადასახდელია საქართველოს ფინანსთა სამინისტროსთვის კვარტლურად. ლატარიის მოსაკრებელი რეგულირდება 2017 წლის 24 ივლისს ფინანსთა სამინისტროსთან გაფორმებული სალიცენზიო ხელშეკრულებით და შეადგენს ლატარიის ბილეთების გაყიდვების მთლიან შემოსავლებსა და საპრიზო ფონდს შორის სხვაობის 10%-ს. ყოველ ვადაგადაცელებულ დღეზე დასარიცხი ჯარიმა შეადგენს ვადაგადაცელებული თანხის წლიურ 15%-ს.

საქართველოს ფინანსთა სამინისტროს რეგულაციების დარღვევასთან დაკავშირებით, შემოსავლების სამსახურის შეტყობინების საფუძველზე კომპანიის მთელი ქონებაზე (მოძრავ ნივთებსა და არამატერიალურ ქონებრივ სიკეთეზე) მოქმედებს გირავნობის/იპოთეკის უფლება საქართველოს ფინანსთა სამინისტროს სასარგებლოდ.

ლატარიის მოსაკრებლის გადაუხდელობის შემთხვევაში, ისევე როგორც ხელშეკრულებით განსაზღვრული სხვა მოთხოვნების შეუსრულებლობის შემთხვევაში, ფინანსთა სამინისტროს უფლება აქვს შეწყვიტოს ეს ხელშეკრულება ორგანიზატორისთვის შეწყვეტის შეტყობინების გაგზავნით, თუმცა ხელშეკრულების თანახმად, იმ შემთხვევაში, თუ მოთხოვნების დარღვევა გამოსწორებადია და გამოსწორდება 30 კალენდარულ დღეში შეტყობინების მიღებიდან, შეუსრულებლობის შემთხვევას ადგილი არ ექნება.

საპრიზო ფონდის განთავსება - ხელშეკრულების ვადის განმავლობაში ორგანიზატორი ვალდებულია საპრიზო ფონდის თანხები განათავსოს სპეციალურ ანგარიშზე (ანგარიშებზე), რომელიც დამოუკიდებელი იქნება სხვა ანგარიშებისგან, საქართველოში არსებულ ლიცენზირებულ, კარგი რეპუტაციის მქონე კომერციულ ბანკში და არ განახორციელოს აღნიშნული ანგარიშის (ანგარიშების) დატვირთვა რაიმე უზრუნველყოფით. ხელშეკრულების ვადის გასვლამდე 6 (ექვსი) თვით ადრე, ორგანიზატორი ვალდებულია სამინისტროს დასადასტურებლად წარუდგინოს გეგმა გაუთამაშებელი საპრიზო ფონდის გათამაშების შესახებ.

ხელშეკრულების ვადად შეწყვეტის შემთხვევაში, სამინისტრო უფლებამოსილია თვითონ შეიმუშაოს გეგმა გაუთამაშებელი საპრიზო ფონდის გათამაშების შესახებ და მოსთხოვოს ორგანიზატორს ამ გეგმის განხორციელება ან მოსთხოვოს ორგანიზატორს იმ საბანკო ანგარიშთან (ანგარიშებთან) დაკავშირებული ყველა უფლების სამინისტროსთვის გადაცემა, რომელზეც განთავსებულია გაუთამაშებელი საპრიზო ფონდი.

სხვა - ხელშეკრულების თანახმად განსაზღვრულია მარკეტინგისა და რეკლამების ხარჯი, რომელიც უნდა გაწიოს ყოველწლიურად კომპანიამ. კომპანიამ ყოველწლიურად უნდა განახორციელოს ხელშეკრულებით განსაზღვრული ოდენობით არაკომერციული და სოციალური პროექტები, მათ შორის, საგანმანათლებლო, კულტურული, ფილანთროპული, საქველმოქმედო პროექტები („სოციალური პროექტები“).

21. პირობითი ვალდებულებები (გაგრძელება)

სამინისტროს წინასწარი წერილობითი თანხმობის გარეშე, ორგანიზატორი არ უნდა გახდეს ცალკეული გარიგების ან გარიგებების ერთობლიობათა მონაწილე (დაკავშირებულია თუ არა) და ნებაყოფლობით გაყიდოს, იჯარით გასცეს, გადასცეს ან სხვაგვარად განკარგოს ლატარიის ღონისძიებების განსახორციელებლად გამოყენებული/გამოსაყენებელი აქტივები (მათ შორის პროგრამული უზრუნველყოფა და აღჭურვილობა), გარდა იმ შემთხვევისა, როცა გაყიდვასთან, იჯარით გაცემასთან, გადაცემასთან ან სხვაგვარად განკარგვასთან დაკავშირებული ცალკეული გარიგების ან გარიგებათა ერთობლიობის ღირებულება არ აღემატება 500,000 (ხუთასი ათასი) ლარს.

სამინისტროს წინასწარი წერილობითი თანხმობის გარეშე ორგანიზატორმა არ უნდა ისესხოს სახსრები ან აიღოს მსგავსი ფინანსური ვალი (გარდა პარტნიორების და დაკავშირებული პირებისაგან აღებული სესხებისა), რომლის ჯამური ღირებულებაც აღემატება 10,000,000 (ათი მილიონი) აშშ დოლარს;

სამინისტროს წინასწარი წერილობითი თანხმობის გარეშე ორგანიზატორმა არ უნდა შექმნას ან დაუშვას ორგანიზატორის კაპიტალში არსებულ წილებზე უზრუნველყოფით დატვირთვის არსებობა ან ორგანიზატორის კაპიტალში არსებული წილების მართვაში გადაცემა, ორგანიზატორის კაპიტალში არსებულ წილებზე გირავნობის უფლების გარდა, რომელიც წარმოიშვა ორგანიზატორის მიერ საქართველოში არსებულ ლიცენზირებული კომერციულ ბანკისგან მიღებული სესხის უზრუნველსაყოფად და ამ ბანკის სასარგებლოდ და იმ პირობით, რომ ამ გირავნობის უფლებით უზრუნველყოფილი სესხის ოდენობა ხელშეკრულების ვადის განმავლობაში ნებისმიერ დროს არ უნდა აღემატებოდეს 3,000,000 (სამი მილიონი) აშშ დოლარს. იმ შემთხვევაში, თუ ასეთი სესხის ოდენობა აღემატება ან ნებისმიერ დროს გადააჭარბებს 3,000,000 (სამი მილიონი) აშშ დოლარს, ორგანიზატორმა ამ ფაქტის დადგომამდე წინასწარ უნდა მიმართოს სამინისტროს წერილობითი თანხმობის მისაღებად. თუ სამინისტრო თანხმობას არ გასცემს ორგანიზატორის მიმართვიდან 5 (ხუთი) სამუშაო დღის განმავლობაში, ჩაითვლება რომ სამინისტრო ეთანხმება ორგანიზატორის კაპიტალში არსებულ წილებზე ამგვარ გირავნობას;

2025 და 2024 წლის 31 დეკემბრის მდგომარეობით კომპანიას სრულად არ აქვს შესრულებული სოციალურ პროექტებთან დაკავშირებული ვალდებულებები.

შპს მინიმარტის სასესხო ვალდებულების თვდებობა. 2024 წლის 31 დეკემბრის მდგომარეობით შპს „ჯი ენ ელ“ წარმოადგენს შპს „მინიმარტის“ თავდებს (სოლიდარული პასუხისმგებლობა) სს „თიბისი ბანკის“ მიმართ ნაკისრ სასესხო ვალდებულებებზე. თავდების პასუხისმგებლობის მაქსიმალური თანხა არის 5,500 ათასი ლარი ან მისი ეკვივალენტი ნებისმიერ ვალუტაში. 2024 წლის 31 დეკემბრის მდგომარეობით კომპანიას არ აქვს თავდებობასთან დაკავშირებით ანარიცხი აღიარებული, რადგან თვლის, რომ კომპანიას არ წარმოექმნება ამასთან დაკავშირებით რაიმე მატერიალური დანაკარგი. 2025 წლის 31 დეკემბრის მდგომარეობით კომპანია აღარ წარმოადგენს შპს მინიმარტის თავდებს.

ფინანსური ინსტიტუტებიდან მიღებულ სესხებთან დაკავშირებული ფინანსური და არაფინანსური მოთხოვნები. ფინანსური ინსტიტუტებიდან მიღებული სასესხო ხელშეკრულებები 2025 წლის 31 დეკემბრის მდგომარეობით ითვალისწინებს შემდეგი ფინანსური და არაფინანსური მოთხოვნების დაკმაყოფილებას:

1.1 ჯამურმა სასესხო ვალდებულებებმა არ უნდა შეადგინოს საოპერაციო მოგების (EBIDA) 300%-ზე მეტი. (EBIDA) - საოპერაციო მოგება საპროცენტო ხარჯებისა დამორტიზაციის გარეშე (გადასახდები დაკლებულია).

1.2 სესხის მიმდინარეობისას შენარჩუნებული უნდა იყოს სესხის მომსახურების კოეფიციენტი DSCR მინიმუმ 1,3 დონეზე [DSCR (P&L based) იანგარიშება: (EBITDA-Maintenance CAPEX - დივიდენდი - მოგების გადასახადი)/გრძელვადიან სესხებზე გადასახდელი ძირი და პროცენტი). Free Cash-დან დათვლილი სესხის მომსახურების კოეფიციენტი უნდა იყოს მინიმუმ 1.05 დონეზე. [DSCR (CFADS) იანგარიშება: (EBITDA - ცვლილება საბრუნავ კაპიტალში - Maintenance CAPEX - დივიდენდი მოგების გადასახადი)/გრძელვადიან სესხებზე გადასახდელი ძირი და პროცენტი)] კომპანია ვალდებულია სესხის მიმდინარეობისას უზრუნველყოს ICR კოეფიციენტის შენარჩუნება მინიმუმ 3.0 დონეზე. ICR კოეფიციენტი იანგარიშება როგორც კომპანიის საოპერაციო მოგება EBITDA - Maintenance Capex შეფარდებული კომპანიის მიერ პერიოდის მანძილზე გადასახდელ საპროცენტო ხარჯებთან.

1.11 რომელიმე წინაპირობის, დამატებითი პირობის ან/და/ ბანკის მიერ კლიენტისათვის წაყენებული მოთხოვნის შეუსრულებლობის (დარღვევის) შემთხვევაში ბანკს უფლება ექნება განახორციელოს ქვემოთ აღწერილი რომელიმე, რამდენიმე ან ყველა ქმედება:

1.11.1 კლიენტისთვის შეტყობინებით ცალმხრივად გაზარდოს საპროცენტო სარგებლის განაკვეთი მაქსიმუმ 10%-ით (ამ პირობის შეცვლა შესაძლებელია მხარეთა დამატებითი შეთანხმებით); დარღვევის გამოსწორებიდან (წინაპირობის, დამატებითი პირობის ან მოთხოვნის შესრულებიდან, რის შესახებაც კლიენტმა უნდა შეატყობინოს ბანკს) მაქსიმუმ 60 (სამოცი) კალენდარული დღის გასვლის შემდეგ საპროცენტო სარგებლის განაკვეთი შემცირდება დარღვევამდე (წინაპირობის, დამატებითი პირობის ან ბანკის მიერ კლიენტისათვის წაყენებული მოთხოვნის შეუსრულებლობამდე) არსებულ ოდენობამდე);

21. პირობითი ვალდებულებები (გაგრძელება)

1.11.2 მოთხოვნის ბანკის მიერ განსაზღვრული ოდენობის თანხის დეპონირება ბანკის მიერ მითითებულ ანგარიშზე კლიენტის ვალდებულების შესრულების უზრუნველსაყოფად;

1.3.3 გამოიყენოს (განახორციელოს) ძირითადი ან/და დამატებითი ხელშეკრულებით ბანკისთვის მინიჭებული სხვა უფლებები.

კლიენტი ვალდებულია დაიცვას შემდეგი არაფინანსური კოვენანტები:

1.1 მსესხებელს არ აქვს უფლება ბანკის წერილობითი ნებართვის გარეშე გააფორმოს ლიზინგი, აილოს სესხები ან რაიმე სხვა ფინანსური ვალდებულება, გარდა კონსიგნაციით შეძენილი სარეალიზაციო პროდუქციის ვალდებულებისა, რაც საფრთხეს უქმნის ბანკის ვალდებულებების შესრულებას;

1.2 მსესხებელს არ აქვს უფლება ბანკის წერილობითი ნებართვის გარეშე გასცეს ფინანსური გარანტიები ან მოთხოვნის უფლებით დატვირთოს სხვა პირების მიმართ მის საკუთრებაში არსებული აქტივები, ასევე არ მოხდეს მსესხებლის ან მისი გარანტორი კომპანიების წილების მოთხოვნის უფლებით დატვირთვა მესამე პირების სასარგებლოდ.

1.3 მსესხებელს არ აქვს უფლება ბანკის წერილობითი ნებართვის გარეშე გაასხვისოს, იჯარით გასცეს ან რაიმე სხვა ფორმით სხვას განკარგულებაში გადასცეს მის საკუთრებაში არსებული ფიქსირებული აქტივები.

1.4 მსესხებელს არ აქვს უფლება ბანკის წერილობითი ნებართვის გარეშე განახორციელოს კაპიტალური დანახარჯები ან ინვესტიციები სხვა კომპანიებში

1.5 მსესხებელს არ აქვს უფლება ბანკის წერილობითი ნებართვის გარეშე გასცეს დივიდენდები

1.6 მსესხებელს არ აქვს უფლება ბანკის წერილობითი ნებართვის გარეშე გასცეს სესხები;

1.7 სესხის მოქმედების პერიოდში, სამეწარმეო რეესტრის ამონაწერში საგადასახადო გირავნობის ან ინკასოს გაჩენის შემთხვევაში, მსესხებელი ვალდებულია, უზრუნველყოს მისი მოხსნა 30 კალენდარული დღის განმავლობაში.

1.8 მსესხებელს/პრინციპალს არ აქვს უფლება, სესხის/გარანტიის მოქმედების პერიოდში, გააფორმოს რაიმე სახის ექსკლუზიური ხელშეკრულება, ბანკის წერილობითი ნებართვის გარეშე.

1.9 მსესხებელი ვალდებულია საბანკო ბრუნვების 90% აწარმოოს თიბისი ბანკში მის არსებულ ანგარიშებზე.

და სხვა.

2025 წლის 31 დეკემბრის მდგომარეობით კომპანია ვერ აკმაყოფილებს მოთხოვნების ნაწილს.

2025 წელს საანგარიშგებო პერიოდის დასრულებამდე, კომპანიამ მოიპოვა ბანკისგან კომფორტის წერილი სახელშეკრულებო მოთხოვნების დარღვევაზე. სადაც აღნიშნულია რომ არსებული ვალდებულებების 2026 წლის 1 იანვრამდე შეუსრულებლობის გამო 2025 წლის 31 დეკემბრის მდგომარეობით გამსესხებელი არ ითხოვს სესხის ვადაზე ადრე დაფარვას; თუმცა, წერილში აღნიშნულია, რომ ბანკი უარს არ ამბობს ხელშეკრულებით მისთვის მინიჭებული უფლების გამოყენებაზე თუ დარღვევები არ აღმოიფხვრება 2026 წლის 1 იანვრის შემდგომ.

22. საანგარიშგებო პერიოდის შემდგომი მოვლენები

საანგარიშგებო პერიოდის შემდგომ ადგილი არ ჰქონია ისეთ მოვლენებს, რომლებიც უნდა იყოს წარდგენილი ფინანსურ ანგარიშგებაში.

შპს ჯი ენ ელ

მმართველობის ანგარიშგება

საქმიანობის მიმოხილვა

დამოუკიდებელი აუდიტორის დასკვნასთან ერთად

2025 წელი

სარჩევი

1. ზოგადი ინფორმაცია და კომპანიის საქმიანობის ანალიზი	44
2. ინფორმაცია კომპანიის ორგანიზაციის სტრუქტურასთან დაკავშირებით.....	45
3. ინფორმაცია კომპანიის ფილიალებთან დაკავშირებით.....	45
4. ორგანიზაციის მომავალი განვითარების გეგმები, ორგანიზაციის მიერ განხორციელებული კვლევა და განვითარება	45
5. კვლევისა და განვითარების სფეროში ჩატარებული ღონისძიებები.....	45
6. საკუთარი აქციების გამოსყიდვა.....	45
8. ორგანიზაციის საქმიანობასთან დაკავშირებული მთავარი ფინანსური და არაფინანსური ინდიკატორები... დანართი 1	46 48

მმართველობის ანგარიშგება

1. ზოგადი ინფორმაცია და კომპანიის საქმიანობის ანალიზი

შპს ჯი ენ ელ (შემდგომში კომპანია) საიდენტიფიკაციო კოდით - 404507173 დაარსდა 2016 წლის 25 იანვარს და საქმიანობას ეწევა საქართველოს კანონმდებლობის შესაბამისად.

კომპანიის კაპიტალის წილობრივი ფლობა 2025 წლის 31 დეკემბრისა და 2024 წლის 31 დეკემბრის მდგომარეობით წარმოდგენილია შემდეგნაირად:

	31.12.2025	31.12.2024
შპს ვინ	100.00%	100.00%

კომპანიის საბოლოო მაკონტროლებელი და კომპანიის ბენეფიციარი მფლობელია კობა ლურჯაია.

კომპანიის იურიდიული მისამართია - საქართველო, ქ. თბილისი, ვაკის რაიონი, ნინო რამიშვილის ქ., №20.

2017 წლის 24 ივლისს შპს ჯი ენ ელმა საქართველოს ფინანსთა სამინისტროსთან გაფორმებული ხელშეკრულების ფარგლებში მოიპოვა ექსკლუზიური უფლება და დაინიშნა ექსკლუზიურ ორგანიზატორად, რომ მან საქართველოს ტერიტორიაზე ჩაატაროს და ორგანიზება გაუწიოს ლატარიის თამაშებს 10 (ათი) წლის ვადით.

საქართველოს ფინანსთა სამინისტროს მიერ მინიჭებული ლიცენზიის თანახმად, საქართველოში ეროვნული ლატარიის მართვას ახორციელებს შპს „ჯი ენ ელ“, სავაჭრო ნიშნით - Lotto.ge.

კომპანიის საქმიანობის მონიტორინგს ახორციელებს საქართველოს ფინანსთა სამინისტრო.

კომპანიამ ტირაჟიანი და მომენტალური ლატარიის გაყიდვები მთელი საქართველოს მასშტაბით დაიწყო 2018 წლის 17 მარტს 3 მომენტალური და 2 ლოტოს თამაშით.

2019 წელს შეიცვალა მატრიცა და „ლოტო 6/36“ ჩამოყალიბდა „ლოტო 6/42“-ად და დაემატა „ლოტო 5/35“ ე.წ. „ოქროს ბურთი“.

2025 წლის განმავლობაში კომპანიამ გააგრძელა მომენტალური თამაშების გადახალისება. 2025 წლის ივლისის თვეში მოხდა 2 ლარიანი თამაშის „სამი შანსი“ შეწყვეტა ვადის ამოწურვის გამო. 2025 წლის განმავლობაში აგრეთვე მიმოქცევაში გაეშვა 1 ახალი თამაში: მასის თვეში 7 ლარიანი თამაში „ნახევარი ლიმონი“ უპრეცედენტო საპროზო ფონდის ოდენობით. აგრეთვე მოვახდინეთ 2 წარმატებული თამაშების ახალი ტირაჟების გაშვება ოქტომბრის თვეში: 5 ლარიანი „ოქროს შვიდიანი“ და 2 ლარიანი თამაშის „შვიდიანი“. 2025 წლის მე 4 კვარტალში დავიწყეთ ახალი თამაშის შემუშავება: 10 ლარიანი თამაში „ლომონი“, რომლის გაიშვება იგეგმება 2026 წლის ივლისის თვეში. დამატებით იგეგმება 3 თამაშის ახალი ტირაჟის გაშვება წლის დასაწყისიდან 6 თვეში.

შპს ჯი ენ ელმა ლოტოს პროდუქტების ონლაინ გაყიდვები დაიწყო 2018 წლის ოქტომბერში ოფიციალური ვებ-გვერდის www.lotto.ge-ს საშუალებით. 2023 წლის განმავლობაში წინა წლებში რეგისტრირებული ონლაინ თამაშების ვადის ამოწურვის შემდეგ ფინანსთა სამინისტრო დროებით შეაჩერა ხელმეორედ აღნიშნული თამაშების რეგლამენტის შეთანხმების პროცესი. 2025 წლის 31 დეკემბრის მდგომარეობით ონლაინ მომენტალური თამაშების რაოდენობა კომპანიას არ გააჩნია.

საქართველოს ეროვნული ლატარიის ტირაჟიანი ლოტოს და მომენტალური გათამაშების ბილეთების შეძენა შესაძლებელია მთელი საქართველოს მასშტაბით ჯიხურებსა, საქართველოს ფოსტის ფილიალების, დიდ სავაჭრო ქსელების ობიექტებში (მაგნიტი, სპარი, ნიკორა, დეილი, გვირილა) და პატარა სავაჭრო ქსელებში განლაგებული ბენზინ გასამართი სადგურებში (გალფი, სოკარი) და აგრეთვე უზნის მაღაზიებში.

2025 წლის განმავლობაში ორგანიზაციაში მიმდინარეობდა ISO 27001 სტანდარტის მიხედვით მუდმივი გაუმჯობესების ციკლის შესაბამისი აქტივობები, რაც გულისხმობს, ინფორმაციული უსაფრთხოების მართვის სისტემის ფარგლებში შექმნილი პროცედურა/პოლიტიკების გადახედვას, რისკების მართვის დოკუმენტის განახლებას, კონტროლის მექანიზმების ეფექტიანობის გაზომვა-მონიტორინგსა და თანამშრომელთა ცნობიერების ამაღლებას.

ასევე, საანგარიშო პერიოდში განხორციელდა ზემოაღნიშნული სტანდარტის მოთხოვნების შესაბამისი ყოველწლიური გარე შუალედური (საზედამხედველო) აუდიტის ჩატარება, რომელიც წარმატებით დასრულდა, რის შედეგადაც ორგანიზაცია ფლობს ISO 27001:2022 საერთაშორისო სერტიფიკატს.

შპს ჯი ენ ელი აქტიურად აგრძელებს 2018 წელს დაწყებულ ინტენსიურ მარკეტინგულ კამპანიას, მათ შორის სატელევიზიო, რადიო, ქუჩისა და ინტერნეტ რეკლამირებას. ამ საქმიანობის მთავარი მიზნები იყო საზოგადოების ინფორმირებულობის გაზრდა კომპანიასა და ასევე მის პროდუქტებთან დაკავშირებით.

2. ინფორმაცია კომპანიის ორგანიზაციის სტრუქტურასთან დაკავშირებით

შპს „ჯი ენ ელ“-ი მოქმედებს რა როგორც პასუხისმგებლიანი დამსაქმებელი, 2025 წელი დაიწყო 134 თანამშრომლით და 2025 წლის 31 დეკემბრის მდგომარეობით, კომპანიამ მოახერხა ძლიერი, მოტივირებული 239 თანამშრომლისგან შემდგარი გუნდის შექმნა. 2025 წლის განმავლობაში თანამშრომლების საშუალო რაოდენობა შეადგინა 175 ადამიანი. საანგარიშგებო წლის განმავლობაში იყო აყვანილი 133 თანამშრომელი და ორმხრივი შეთანხმების საფუძველზე 20 თანამშრომელთან შეწყდა შრომითი ხელშეკრულებები.

3. ინფორმაცია კომპანიის ფილიალებთან დაკავშირებით

შპს ჯი ენ ელ-მა შექმნა 2,000-ზე მეტი სარეალიზაციო პუნქტისგან შემდგარი ქსელი მთელი ქვეყნის მასშტაბით.

კომპანია თავის პროდუქტების რეალიზაციას ახდენს ხელშეკრულებით აყვანილი ლატარიის გამყიდველი აგენტებისა და თავისი სადისტრიბუციო არხების საშუალებით, ასევე ონლაინ რეჟიმში - www.Lotto.ge.

2025 წლის 31 დეკემბრის მდგომარეობით, კომპანიას ჰქონდა 120 საკუთარი სარეალიზაციო პუნქტი თბილისის, ქუთაისის, ბათუმის, ზუგდიდის, თელავის, რუსთავის და ფოთის მთავარ სავაჭრო ცენტრებში და ჯიხურებში.

4. ორგანიზაციის მომავალი განვითარების გეგმები, ორგანიზაციის მიერ განხორციელებული კვლევა და განვითარება

2025 წლის კომპანიის მთავარი ამოცანა არის საოპერაციო მოგებაზე გასვლა, გაყიდვების დასტაბილურება თვეების ჭრილში, ახალი სახეობის თამაშის დანერგვა და გაშვება. დიდ მნიშვნელობას კომპანიის ანიჭებს დიჯიტალ ბაზრის ათვისებას.

5. კვლევისა და განვითარების სფეროში ჩატარებული ღონისძიებები

2025 წელს კომპანიას არ ჰქონია კვლევასა და განვითარებასთან დაკავშირებული ხარჯები.

6. საკუთარი აქციების გამოსყიდვა

კომპანიას, 2025 წლის განმავლობაში არ გამოუსყიდია საკუთარი აქციები და არც მიმდინარე ეტაპზე გეგმავს ამას.

7. მთავარი რისკები და გაურკვევლობები, რისკის მართვა, ფინანსური რისკი მართვის მიზნები და პოლიტიკა

შპს ჯი ენ ელ ახორციელებს ლატარიასთან დაკავშირებულ ოპერაციებს მთელი ქვეყნის მასშტაბით და ამიტომ სრულად ესმის თავისი რეპუტაციისა და სტაბილურობის მნიშვნელობა. კომპანიაში რისკის მართვის ფუნქცია ხორციელდება შემდეგი სახის რისკებთან დაკავშირებით: ფინანსური, საოპერაციო და სამართლებრივი.

ფინანსური რისკი მოიცავს საბაზრო რისკს (მათ შორის სავალუტო რისკს, საპროცენტო განაკვეთის რისკს და სხვა ფასების ცვლილების რისკებს), საკრედიტო რისკს და სალიკვიდაციო რისკს. ფინანსური რისკის მართვის მთავარი ფუნქციაა განსაზღვროს რისკის ლიმიტები და უზრუნველყოს, რომ ნებისმიერი რისკის საფრთხე დარჩეს ამ ლიმიტების ფარგლებში.

საოპერაციო და სამართლებრივი რისკის მართვის ფუნქციები გამიზნულია იმისთვის, რომ უზრუნველყოს შიდა განაწესის და პროცედურების სათანადო ფუნქციონირება საიმისოდ, რომ მინიმუმამდე შემცირდეს საოპერაციო და სამართლებრივი რისკები.

საოპერაციო რისკები. საქმიანობისთვის დამახასიათებელი საოპერაციო რისკები ძირითადად არის შიდა და გარეშე თაღლითობის რისკები, რომლებიც შერბილებულია მუდმივი კონტროლის და სარისკო ოპერაციების კონტროლისა და მონიტორინგის, პროცესებისა და კონტროლის ღონისძიებების განხორციელებისა და გაუმჯობესების გზით, პროგრამული უზრუნველყოფისა და აპარატურული საშუალებების გამოყენებით.

კანონმდებლობასთან შესაბამისობის რისკი. კომპანია ექვემდებარება მის ანგარიშგებასთან, ბიზნესის წარმოებასთან, საქართველოს ფინანსთა სამინისტროსთან გაფორმებული ლიცენზიის ხელშეკრულების შესაბამისად დაფინანსებასა და სხვა მოთხოვნებთან დაკავშირებით კანონმდებლობასთან შესაბამისობის რისკს. კომპანიამ შეიმუშავა გარკვეული პროცედურები და განსაზღვრა თვითოეულ რისკზე პასუხისმგებელი მენეჯერი, კომპანიის გენერალური დირექტორისა და ფინანსური დირექტორის ზედამხედველობის ქვეშ;

საინფორმაციო ტექნოლოგიებისა და კიბერ-შეტევების რისკი. კომპანია იყენებს თანამედროვე, კიბერ შეტევებისგან დაცვის ყველაზე ახალ სისტემებს. კომპანიამ დანერგა რაციონალური მართვის საინფორმაციო სისტემის უსაფრთხოების დაცვის პროცედურები და მუდმივად ამოწმებს და განახლებს მათ. 2025 წელს წარმატებით დასრულდა ISO 27001-ის ყოველწლიური გარე აუდიტის პროცესი, რის შედეგადაც ორგანიზაცია ფლობს ISO 27001:2022 საერთაშორისო სერტიფიკატს.

საკრედიტო რისკი. კომპანიას აქვს საკრედიტო რისკის საფრთხე, რომელიც წარმოიქმნა კონტრაგენტებთან კომპანიის ტრანზაქციების შედეგად, რომელმაც წარმოქმნა ფინანსური აქტივები. სიფრთხილით შერჩეული კონტრაგენტები, გადახდის მოკლე პერიოდები და რისკის შეფასების მოდელები და პროცედურები ამცირებს ამ რისკს;

ლიკვიდურობის რისკი. ლიკვიდურობის რისკი არის რისკი, რომ ორგანიზაციას შეეძლება სირთულეები ფინანსურ ვალდებულებების შესრულებასთან დაკავშირებით. კომპანიას არ აქვს ფულადი რესურსები ამ მოთხოვნების შესასრულებლად, რადგან დაკავშირებული მხარეებისგან ამ ვალდებულებების შესრულებისთვის საჭირო სახსრების სწრაფი მოზიდვა პროგნოზირებული უნდა იყოს საკმაო სიზუსტით. ლიკვიდურობის რისკი იმართება ჯგუფის ფინანსური დეპარტამენტის მიერ. ხელმძღვანელობა აკონტროლებს ჯგუფის ფულადი სახსრების ნაკადების ყოველთვიურ მცოცავ პროგნოზებს.

საბაზრო რისკები. საბაზრო რისკები, როგორიცაა სავალუტო და საპროცენტო განაკვეთის რისკები იმართება და შემოიფარგლება ვალუტის და დაფარვის ვადებს შორის სხვაობის მდგომარეობის მუდმივი შეფასებით.

8. ორგანიზაციის საქმიანობასთან დაკავშირებული მთავარი ფინანსური და არაფინანსური ინდიკატორები

2025 წელს კომპანიამ მოახდინა 40,416 ათასი ლარის შემოსავლების გენერირება, რაც 644 ათასი ლარით ნაკლებია 2024 წელთან შედარებით:

	2025	2024
შემოსავალი მომენტალური გათამაშებებიდან	33,601	34,369
შემოსავალი ლოტოდან	6,815	6,691
	40,416	41,060

შემოსავლების შემცირება განაპირობა შპს მინიმარტის მიერ გაყიდვების შეჩერებამ და შესაბამისად ქსელის გადაწყობამ აგვისტო-ოქტომბრის პერიოდში.

2025 წელს ჯამურმა საპრიზო ფონდმა შეადგინა 24,296 ათასი ლარი, რაც 494 ათასი ლარით მეტია 2024 წლის შედეგთან მიმართებაში

	2025	2024
მომენტალური გათამაშებების საპრიზო ფონდის ხარჯი	(20,777)	(20,402)
ლოტოს საპრიზო ფონდის ხარჯი	(3,519)	(3,400)
	(24,296)	(23,802)

2025 წელს თამაშებიდან მიღებულმა მთლიანმა შემოსავალმა (GGR) შეადგინა 16,120 ათასი ლარი, რაც 1,138 ათასი ლარით ნაკლებია 2024 წლის შედეგთან მიმართებაში.

2025 წელს საოპერაციო ნაწილში დიდი ნაწილი უკავია მოსაკრებელი და საკომისიოს ხარჯებს, რომელიც შეადგენს 3,964 ათას ლარს, რაც 947 ათასი ლარით ნაკლებია 2024 წლის შედეგთან მიმართებაში:

	2025	2024
გაყიდვების აგენტების საკომისიო	(1,808)	(2,669)
ლატარიის მოსაკრებელი	(1,662)	(1,740)
საოპერაციო სისტემის მომსახურების საკომისიო და მომსახურების ხარჯები	(494)	(502)
	(3,964)	(4,911)

2025 წელს საოპერაციო ნაწილში მნიშვნელოვნად გაიზარდა პერსონალის ხარჯი და შეადგინა 5,025 ათასი ლარი, რაც 1,125 ათასი ლარით მეტია 2024 წლის შედეგთან მიმართებაში. ხარჯის ზრდის მიზეზი გამოწვეულია გაყიდვის წერტილების ზრდით.

2025 წელს კომპანიამ დასრულა საოპერაციო ზარალით, რომელმაც შეადგინა 2,334 ათასი ლარი, რაც 2,522 ათასი ლარით მეტია 2024 წლის შედეგზე.

2025 წელს წმინდა ზარალმა შეადგინა 4,296 ათასი ლარი, რაც 1,136 ათასი ლარით მეტია 2024 წლის შედეგზე.

საპრიზო ფონდის ხარჯებმა შეადგინა 60.00% (24,296/40,416), ხოლო 2024 წელს შეადგინა 58.00% (23,802/41,060).

2025 წლის 31 დეკემბერს დასრულებული წლისთვის მომზადებული მმართველობის ანგარიშგება ხელმძღვანელობის მხრიდან დამტკიცებულია 2026 წლის 31 მარტს შემდეგი პირების მიერ:

გენერალური დირექტორი	_____	გიორგი გედევანიშვილი
ფინანსური დირექტორი	_____	ედუარდ ოგანესიანი

2025 წელს თამაშებიდან მიღებულმა მთლიანმა შემოსავალმა (GGR) შეადგინა 16,120 ათასი ლარი, რაც 1,138 ათასი ლარით ნაკლებია 2024 წლის შედეგთან მიმართებაში.

2025 წელს საოპერაციო ნაწილში დიდი ნაწილი უკავია მოსაკრებელი და საკომისიოს ხარჯებს, რომელიც შეადგენს 3,964 ათას ლარს, რაც 947 ათასი ლარით ნაკლებია 2024 წლის შედეგთან მიმართებაში:

	2025	2024
გაყიდვების აგენტების საკომისიო	(1,808)	(2,669)
ლატარიის მოსაკრებელი	(1,662)	(1,740)
საოპერაციო სისტემის მომსახურების საკომისიო და მომსახურების ხარჯები	(494)	(502)
	(3,964)	(4,911)

2025 წელს საოპერაციო ნაწილში მნიშვნელოვნად გაიზარდა პერსონალის ხარჯი და შეადგინა 5,025 ათასი ლარი, რაც 1,125 ათასი ლარით მეტია 2024 წლის შედეგთან მიმართებაში. ხარჯის ზრდის მიზეზი გამოწვეულია გაყიდვის წერტილების ზრდით.

2025 წელს კომპანიამ დასრულა საოპერაციო ზარალით, რომელმაც შეადგინა 2,334 ათასი ლარი, რაც 2,522 ათასი ლარით მეტია 2024 წლის შედეგზე.

2025 წელს წმინდა ზარალმა შეადგინა 4,296 ათასი ლარი, რაც 1,136 ათასი ლარით მეტია 2024 წლის შედეგზე.

საპრიზო ფონდის ხარჯებმა შეადგინა 60.00% (24,296/40,416), ხოლო 2024 წელს შეადგინა 58.00% (23,802/41,060).

2025 წლის 31 დეკემბერს დასრულებული წლისთვის მომზადებული მმართველობის ანგარიშგება ხელმძღვანელობის მხრიდან დამტკიცებულია 2026 წლის 31 მარტს შემდეგი პირების მიერ:

გენერალური დირექტორი



გიორგი გედევანიშვილი

ფინანსური დირექტორი



ედუარდ ოკანისიანი

დანართი 1

ორგანიზაციული სტრუქტურა

